

珍本医籍丛刊

名誉主编 薛清录

主 编 傅景华

副主编 徐岩春 杜杰慧

特约编审 (以姓氏笔画为序)

王 琦	王文治	王玉英	王庆其
王者悦	王树芬	白永波	冯晓菲
朱占瑞	伊广谦	孙光荣	严康维
李 宁	李生绍	李宝顺	李振东
何厚夫	奚大真	傅景春	谢 先

出版说明

为发掘整理祖国医学宝藏,抢救行将失传的孤善本医籍,中医古籍出版社自1983年以来,影印出版了大型系列丛书——《中医珍本丛书》,其中包括了从经典理论、临证诊疗,到中药、方剂、气功、养生等各个方面的论著。过去,由于这些图书版本稀珍、收藏甚秘,一般读者根本无法得见,如今使众多有较大学术价值和文献价值的孤本秘籍化身千百,广为流传,从而受到中医学学术界和国内外广大读者的热忱欢迎。

但是,在数以千计的孤本秘本或流传较少的中医古籍中,也有一部分由于纸脆字脱、内页破损,或因手抄墨渝、版式特异而不适于影印者。为了抢救这一部分珍贵古籍,我社又编辑了《珍本医籍丛刊》,对这些古籍版本的原文,进行了标点和简单的校注工作后,排印出版。此外,对于部分版本珍贵而尚未排印出版的名著,由于医疗、教学和科研工作的需要,亦收入本丛书,以满足广大中医工作者的需求,促进中医学学术的普及和提高。

迄今为止,该丛书已出版40余种,广大读者纷纷来信询问,我们认为有必要对一些普遍性的问题作如下说明:

由于社会和历史的原因,在部分医籍中夹杂着一些不适当的说法,甚至有极少数封建迷信,或不科学的内容,亦有部分论述暂时还不能为已知的现代科学理论所解释。但我们的任务是抢救中医孤、善本古籍,需要保持这些古籍的完整性,并全面、准确地反映古代医籍的原貌,以便进行科学研究。所以,对少数上述内容均不宜作改动或删除,希望读者

能够正确对待，去其糟粕，取其精华，用科学的思想和方法加以吸收和利用。

本丛书中载有大量的方剂，其中不乏简便效验良方。很多医务工作者在临证运用后，反映能应手起效，立起沉痾。但由于症有阴阳表里之分，证有虚实寒热之别，又体质皆殊，天时各异，故书中方剂不可能对同一种症状完全适用。况且，某些方剂尚需进行严格的科学研究及反复地临床验证。因此，在选用书中所载行剂时，必须依照中医的基本理论、辨证施治，灵活化裁，而广大患者更应该在有经验的医师指导下遵嘱使用，决不能在不懂医理的情况下，盲目实验。否则，简单的按图索骥，依方套病，犹如削足适履，必然难以取效，甚至会出现意外事故。

我国地大物博，历史悠久、中药品种繁多，来源广泛。社会的发展及地域的差异，造成古代医籍中的药品有正名、别名、俗名之别，部分中药品种的名称，今日已废除不用，药典上亦无明确记载。此外，度量衡制度古今差异较大，致使某些药品的应用剂量在各个历史时期有所不同，医务工作者在使用时均应根据今制药物常用剂量灵活掌握，切忌生搬硬套。

目前，我社正在有计划地编辑出版《珍本医籍丛刊》，并进一步重新组织了现任编辑队伍，以确保抢救中医孤善本古籍工作的顺利进行，从而为振兴中医，造福人类，做出更大的贡献。

中医古籍出版社

1989年10月

前 言

《万金至宝》，清代尚宗康（霁堂）编，同治二年癸亥（1863年）于澠阳宝荫堂刊刻行世。尚宗康氏，曾司牧澠阳，本非医士，但酷爱医术，公务闲暇，尝留意采集医方，平时推广而增辑良方作《万金至宝》。书成而流播衡湘间。后藏版毁于火，又重辑之，并较前更为详备。

该书分为上中下三卷，依病分为咽喉、口舌齿牙、手足、腰背、产育、妊娠、小儿、感冒、咳嗽、吐血、疔疮、痛疽、急杂治和补养等24门类。

《万金至宝》虽非出自医家之手，然其博采旁搜古代名家浅近平易之精验良方，贵精良不尚驳杂，贵平易不尚稀奇。书中所列之方，诸科齐全，兼有症候、制法、用药法则，简明而易于调治。该书曾广为流播，诸方辨证施治，颇多创见，方无不备，取药甚便，于古今充栋之医籍中独具特色，果能家置一编，即症求方，应效如响，既可供仓猝之需，又可免庸医之误，真乃救世之筏宝也。

兹特精心点校出版，以飨广大读者。

草茹

1993年3月

重刻万金至宝叙

余曩有千金至宝之刻，福幼编也。审证依方，其效如神，故不胫而走者数十年。济堂姻家宰高，平时推广而增辑良方，作《万金至宝》。书成而流播衡湘间，几于家置一编，乃版藏书肆，毁于火，宝是书者皆叹不可复得矣。余以壬戌之秋，于役五羊，癸亥仲夏奉□^①奏调赴黔。道经淝阳，而济堂适官是邦。舟中把臂，剪烛谈心，话次出重辑万金至宝一编，较前书更详且备。展阅数周，乃叹济堂之仁民爱物，利济群生，于此可以得其梗概焉。夫金匱玉函非弗宝贵也，而博大精深，浅学者无从领取。若是编之精良平易，洵济人救世之宝筏也。揖廉付梓，是又仁心仁政之所，推恩而及于百姓者焉。慈心保赤，乐为济堂赞成。

沈阳戴氏时卿裕麟识

余与兄素不知医者。岁己未，余签分来楚，见兄案头方书罗列，以为偶尔查阅。久之，愈集愈多，始知留心此道，采辑已非一日，每于连床夜话，以医书相考证。兄乃顾余而言曰：难已哉！医之误人甚已哉，人之自误也。尝见富贵之家，向不知医。偶有微疾，辄张惶失措，一方甫服，见病势如故，即疑为不效，旋访诸人，曰某也良，或又告之曰某也良。群医毕集意见各殊，此云宜凉，则从凉剂投之。彼云宜热，则以热剂投之。医多方杂，病日益剧，因而不起者有

①□：原文脱字。

之。又如贫寒之家，僻壤穷乡，或陡遇险症，有稍知一二者，辄即延至，不问寒热虚实，不揣阴阳表里，随意立方。病者未服半，而顿生不测之变者有之。凡此，岂特庸医之咎哉！亦平日束书不观所致耳。余思医与药之误人，贫富皆所不免。富者易于得药，难于得医，贫者难于得医，更难于得药，吾兄所择古名家浅近平易之方，别类分门，哀然成集。果能家置一编，即症求方，应效如响，即可供仓猝之需，又可免庸医之误。兄初不敢谓有济于世，而亦何尝非与人方便之微耶。爰揖廉付梓，囑悉心校对，使于等分，无少舛错，不致贻误。事竣遂即所闻集方之说，而为之序。

绚卿尚宗奎谨识

昔范文正公有言曰：人生不为良相，便当为良医。诚见夫利人济物，所以福佑苍生者，上惟宰相得行其权，下及医家亦得行其术，秦和上医医国，其次救人之论犹此意也。医之一道，听系顾不重哉！顾医必有方，坊间方书之刻多矣。或失之繁，或失之杂，或药味珍奇不便于贫民小户，或药物稀罕难得之僻壤穷乡，仓猝之间，虽有经验之方，若于对症之药将奈何。壬戌春明试后，余以守制归里，适我霁翁复灊阳任。邀余偕昕夕谈心，无不见保赤诚求之意。癸亥夏，为霁翁襄校童试棚中，披阅之暇，语次谈及前宰高，曾刻万金至宝一书行世，今索原版不可得，因欲捐廉续成。余极怂恿之。索书细阅一周，见其别类分门，方无不备，取药甚便，应效如神。于是叹霁翁以慈详恺惻之心，行惠解怀保之政。其济急而救危者，诚有加无已也。彼世之著述者，或以市德，或以沽名。何若我霁翁之实心实政，惠泽之及人。每流

露于人，所不经意处，岂第区区一方书云尔！哉得是书者，当体我霁翁救世之婆心，即以金匱玉函宝之也可。

星沙宪廷氏罗湘俊识

余生平最喜读轩岐书，而数十年来沉溺举业，弗获悉心研究。然经史之旁，未尝不以方读参错其间，少暇则肄业及之。岁丁巳，置篋高平，与霁翁先生共晨夕。公务余闲，辄积古人方书参考而互证之。霁翁尤加意抄辑，经岁得数百良方。皆至易至平，屡经神效者，裒为上下卷，名曰《万金至宝》。先生遂捐廉而寿诸梨枣，且广为传送。得是书者，虽玉笈琅函不啻也。无何而版烬于火，则是书直等诸郭公夏五矣。癸亥秋，携硯来淝阳襄校试牋事竣，先生出频年所增辑者数百条。较前书为大备焉。今夫名山著述经生之业，迨身膺民社，则鞭朴喧嚣犯其虑，牒诉倥偬装其怀。亲笔硯者且无暇晷，而先生乃能博采旁搜，手自编录，去取之间精详简当如斯，自非同胞同与有寿世寿民之心不及此。则是书之成微，特使四民无扎瘥天瘡之虞。而先生之恫瘝在抱，父母斯民之惠政仁心，有流露于抚字安全之外。而苍生赤子虽穷檐编户，莫不均被其泽者胥于是编见之也。而岂侈谈内经，谬谢岐黄者所可同日成语哉？乃余则尤喜昔年之与襄笔墨，藉是编以垂之无穷，斯又皦生之厚幸也夫。

衡阳李应乾易卿氏识

方书为备急之需，贵精良不尚驳杂，贵平易不尚稀奇。何尝读古名家所传书，见其角胜争奇，异流同源者大抵如

是。不知其书愈繁其说，愈纷其功，效亦或然或不然也。余以咸丰丁巳。宰高其年夏秋之交，长女金格倏患喉风，惟时婢子辈同病者亦数人，而长女特甚，医者投以苦寒峻剂，喉风似觉少减。诂知苦寒太过，肺气大伤。不数日竟以此病不起。旋即备展家藏方书及《赤水元珠》，则前症俱在，依方服之，无不获效，始恨庸医无识。平时束书不观耳，可胜悼哉。于是搜罗古人精验良方，分门而备录之。首喉科，次杂科，继小儿科，数年之间未敢稍懈，如得袞然成帙，第康本不知医，虽纂集成卷，亦不过置之案头，留心考校，不至临症失措，概为庸俗所误耳。不意识者见之，遍阅一过，乃拍案而起曰：“此真万金至宝也！”既有此救世之方，曷若付之梓人，公之同好，且使穷陬僻壤仓猝可得方药，济人利物，孰有便于斯耶！久之刊成，踵门索书者趾相接也。爰度版于星垣，旋以书肆罢业，无以复索，窃尝心焉惜之。壬戌之秋，司牧涇阳。越明年，民和年丰，公余之暇，检阅旧集，重加采择，增益数百条，较前更加详备，依方投试，无不如响斯应。幕中襄事诸君亦力赞重付剖厥，以为永远之传。然是书也，康初不敢自信，今竟能取信于人。金以为至平至易，而视若至宝，不亦无负此区区磨练之心也。夫梓成用志语于简端。

霁堂尚宗康并识

目 录

卷上

咽喉门	(1)
口舌门	(7)
齿牙门	(8)
耳鼻门	(10)
眼目门	(10)
头面门	(12)
手足门	(13)
腰背门	(15)
咳嗽门	(16)
感冒门	(18)
疫瘴门	(20)
泻痢门	(22)
疟疾门	(25)
痼疝门	(27)
淋浊门	(28)

卷中

妊娠门	(31)
产育门	(34)
吐血门	(37)
小儿门	(40)

疔疮门	(49)
呕吐霍乱门	(55)
中暑门	(58)
急治门	(60)
杂治门	(63)
补养门	(65)

卷下

各门补遗

胎前门	(68)
临产门	(69)
产后门	(72)
乳痈门	(73)
暑热门	(74)
舌喉门	(75)
耳目门	(76)
手足门	(78)
痢疾门	(78)
吐泻门	(79)
疝气门	(80)
小儿门	(81)

万金至宝卷上

咽 喉 门

喉间肿痛，名曰喉痹。古人多用甘桔汤主之，然有实火，虚火之分，紧喉、慢喉之别，不可不审。虚火者，色淡微肿，潮清便利，脉虚，饮食减少，此因神思过多，脾气不能中护，虚火易致上炎，乃内伤之火，名曰慢喉风，虚症也。午前痛甚者属阳虚，四君子汤加桔梗、麦冬、五味、当归。午后痛甚者属阴虚，四物汤加桔梗、元参。如不效，必加桂、附以为引导之，加減八味汤加牛膝主之。若脉数有热，六味汤主之。更有中寒咽痛，始用半夏甘桔汤，不可误投凉药。实火者，醇酒膏粱，风火积热，火动痰生，肿痛暴发，甚则风痰壅塞，汤水不入，声音不出。此外至之火，名曰紧喉风，实症也。宜用灯窝油和浆水灌之。或针刺红肿之处，发泄毒血。或金钥匙吹之。（方详后）俾喉门渐松，饮食可入，声音得出乃止，宜服加味甘桔汤。热甚兼用三黄解毒汤。谚云走马看喉痹是也。凡喉肿不刺血，喉风不吐痰，痛不放脓，乳蛾不针破，此皆非法。又有劳嗽日久咽喉伤损者，无法可治。又缠喉风症，咽喉肿痛胀塞，红丝缠绕，故名缠喉风。甚则肿达于外，头如蛇缠，探吐悉如前法。又喉疮者，命门相火也，疮势灌脓，以银针挑破之，随用荆芥甘草汤洗之，吹服，照前法。

金钥匙 治喉闭、缠喉风，痰涎壅塞，口噤不开，汤水难下等症。

用焰硝一两五钱，硼砂五钱，片脑二分五厘，雄黄一钱，姜蚕（直者）一钱。要各味研为细末和匀，以竹管吹患处，痰涎即出。如痰涎虽出，肿痛仍不能消，急用针挑患处，出恶血，服三黄解毒汤，黄连、黄芩、黄柏、黑山梔各一钱半，水煎服。

治喉症方 用冰片五厘，僵蚕三钱，硼砂三钱五分，牙硝七钱五分。共研细末，用苇管吹患处。

又方 用蜣螂去足翅，新瓦焙枯，存性，加片磨少许，共研末，吹之。

又方 用油涎螺，阴阳瓦焙枯，存性，加冰片少许，研末，吹之。

又方 用山豆根、射干各一钱。水煎服，另研末，吹之。

又方 用辰砂一两，番真青黛八钱，白山豆根五钱，生甘草四钱。共研极细末，一二分，鸡蛋清调用，鹅翎拭于患处，立开，二次即愈。

又方 用野菊花根，约四两，洗捣，取自然汁一酒杯。

又方 蛤蟆一双，取肝不得落水，捣入菊花根汁内，以鸡鹅毛涂入喉中，涎痰随出，流尽，自愈。

又方 用燕子泥入雄黄和匀，频敷喉外亦可。

又方 用牡蛎将醋浸煎，噙口内，涎出，即愈。

又方 用金灯（原名金裹玉）一大株，连根叶子，洗捣，取自然汁半茶杯，咽下，立愈。小者加二三株。

又方 用无参、贝母、牛蒡子、枳壳、山豆根、射干、海石各一钱，前胡、瓜蒌仁、梔子（炒）各一钱。加竹沥十匙，服之立效。（凡喉痛，无论何症，最忌生姜。）

咽喉闭塞（海上方）

咽喉闭塞不能言，幸有硼砂可保全。

捣和盐梅如枣大，口中噙化即时痊。

咽喉急闭莫因循，快取芦都草的根。

好酒煎来三四滚，竹筒灌入妙如仙。

治咽喉肿痛不下食者 用葛白面和醋，涂喉外肿处。

开喉散 治点水不下喉者，用硼砂、没药各二分，雄黄一分。同井花冷水，调服即开。

雄黄解毒丸 治一切咽喉肿痛危急之症

雄黄五钱，川郁金三钱，巴豆霜（去油）三钱五分。共研末，醋糊为丸绿豆大，青茶下二丸，吐去痰涎即愈。

又方 用青果煎水（或人参叶）常服。

治急喉闭方 猪牙皂角一钱，白矾一钱，黄连一钱。新瓦上焙干，为末，每用五分吹之，吹入喉中，吐出脓血立愈。

治喉风痹塞痛方 用蛭蟾取汁，点喉痹即下，即开。

又方 用灯芯一握，阴阳瓦烧成灰，炒盐一匙，每吹一捻，数次即愈。

又方 用灯心灰二钱，硼砂末一钱，吹之。

又方 用菖蒲根嚼汁，烧铁秤锤淬酒一杯，饮之。

又方 用生麻油一合灌之，

治喉痹疮肿方 用荆沥细细咽之，或用荆叶一握，水煎服之。

治风热喉痹肿痛及缠喉风病方 用生黄连五分，白凤仙花五分。共为细末，吹之。

肺绝喉痹 凡喉痹日久，频服清降之药，以至痰涌音哑，声如拽锯，此肺气将绝之候也。法在难治，宜用独参汤，或兼进八味汤，或用十全大补汤，早服者可救十中之一二。

缠喉风，舌硬根烂 两旁以羊毛笔蘸甘草水洗之，吹以柳华散。

柳华散 治喉疮，并口舌生疮，走马牙疳，咽喉肿痛诸症。

青黛、蒲黄（炒）、黄柏（炒）、人中白各一两，冰片五分，月石一钱。共为细末，吹之。

治锁喉风方 用万年青（草名，用根一握），捣烂加陈米醋约一钱二分，冲入搅匀绞汁，噙喉间，顿嗽。顷刻痰涎涌盛，即愈。

又方 用胆矾少许，为末冲汤饮之，使吐。或用鹅毛入桐油内，探喉使吐即愈，缓则不救。

又方 以甘菊花根洗净捣汁，灌下亦妙。此症先一二日胸膈气紧，呼气短促，忽然咽喉肿痛，手走厥冷，气闭不通。急用巴豆七粒，三生四熟，生者去壳研，熟者去壳炒，去油，存性。明雄黄五分，郁金一个，共研细末，每用末半匙，清茶调下，如口噤塞用小竹筒吹药喉中，须臾即吐，即愈。

咽喉肿痛声音不出 咽之痛甚，服甘桔汤。

荆芥一钱五分，桔梗二钱五分，甘草二钱五分。水煎，食后温服。

乳蛾生喉间，状如乳头 一边生者名单乳蛾，两边生者为双乳蛾，以小刀点乳头上，出血立瘥，吹以柳叶丸（方见上），再服甘桔汤（方见上）。凡针灸乳蛾，宜针头尾，不宜针中间，鲜血者易治，血黑而少者难治。凡用刀针血不止者，用广三七，为细末，吹刀口上即止。凡用刀针不可伤蒂丁及舌下根，切切！

治喉痹乳蛾方 用蛤蟆衣，凤凰草捣烂入乌梅肉，煮酒各

少许，再研，绞汁，以鹅翎刷患处，随手吐痰，即消。

治紫蛾救急方 用两手从臂上抹至大拇指间，四五十下，以绳扎住，男左女右，大指缝中以针刺出血即愈，或两手大指均刺亦可。

又方 用手指甲烧灰，存性，研细末，吹之即愈。

又方 用五月五日午时采杨梅树皮，向东南者，愈陈愈佳。每用一小片研为细末，吹入肿处，数次即愈。

又方 将头顶心发上，用生姜搗红亦妙。

又方 无论双单乳蛾，用王瓜一条，一头去穰，入火硝一两，生白矾一两，共研细末，装入瓜内，悬风檐下，待干，将白霜刮下，收入磁瓶，吹之立效。

治乳蛾烂者 用人中白（火煨）三分，冰片三分。共研细末，吹之。

双乳蛾（海上方）

牛膝生根取汁搗，男左女右鼻中吹，

不怕双蛾来势急，酒调一服自然回。

治单蛾双蛾方 即俗呼单喉双喉也，发顶内有泡，可即用银针挑破，忌见灯火，恐泡破处发胀也。患在右边用独蒜加盐，捣烂敷左手寸、关、尺脉上，以热痛为度，患在左边者用右手亦如之，如双蛾则敷左右两手，立效。

治痰痛方（生在喉咙内） 桔梗五钱，甘草二钱，青竹叶心一小束。共煎汤（洗之），另用桔梗，甘草煎服。

吹喉散 治一切咽喉肿痛并喉舌垂下者。

胆矾，白矾，朴硝，片脑，山豆根，辰砂，先将鸡胗内黄皮焙干，合药研细末，用鹅毛管吹药入喉即效。大凡咽喉肿痛或喉痹急症，用山豆根磨水，多多嗽口立愈。孔弘周传。

治乳蛾喉痹 蚕蛾二钱，儿茶一钱，生白矾三钱，辰砂一钱。为末，吹喉，立效。

治喉风舌大如脬者 冰片一分，火硝三分，胆矾二分，僵蚕五分，蜈蚣二分，硼砂三分。共研末吹之，如不急治，则难救矣。

治喉中似物，吞吐不出，腹胀者。取白荷花根捣汁，服，虫即出。

治咽生息肉者 先刺破，令出血，用盐豉和捣，涂之。

治喉间血腥气方 用鹿含草一握，老酒浸服。

治喉哑奇方 硼砂一两，元明粉二钱，胆星二钱，冰片三分，百药煎二钱，诃子肉二钱。共为细末，再用大乌梅肉一两，捣如泥，和丸如龙眼核大，每用一丸嚼化。

急治喉风 皂角末一钱，鸡子清调如胶，咽下，吐痰即愈。

喉肿难食 蚯蚓一条，捣烂以滚水泡去泥，待冷饮之，避风数日，忌鸡鱼。

治吞发绕喉方 仍用发灰烧，开水调下。

治误吞金器方 以蚯蚓粪温水搅吞，即解出。

又方 用羊胫骨烧焦，研末，每服三钱，米酒饮下，则从大便出。

治误吞铁物方 用栗树炭二块，将铁锤捣极细，用糖和丸，服三钱立出。或肠中不能转送，觉坠者，多食青菜、猪脂，自与粪同出。

治误吞针铁方 用新出窑青桐炭皮研末，每服三钱，调稀粥一碗，食之，三服后，炭末裹针由便出。

又方 急用癞蛤蟆数个，将头剥去，倒垂流血，以碗接之得一杯许，灌入喉中，其针自软，即可吐出。

又方 用旧箴簪，煨存性，研末，每服一钱，黄酒调服，亦能化针。

又方 用饴糖一斤，食尽便出。

治误吞铜钱方

误吞铜钱虽无疼，久留腹中病必成。

荠苎能化坚为软，多食无伤可化铜。

骨鲠咽喉，吐咽刺痛，妨碍饮食，急宜治之。然有鱼骨、兽骨之分，治鱼骨以养蓄活鸭倒挂垂涎，以磁器接下，令患人仰卧频灌，其骨尽化。若治兽骨，用狗一双倒挂接涎，如前法频灌，其骨亦化。

又方 凡骨鲠者，捣苧麻根汁，灌之立效。若先治咽喉肿痛溃脓，宜用冰硼散吹之，不可妄用凉药（补药、表药均不宜用，但只清润则可）。若骨势大者与饮食难下，饿倒胃气者俱难救。

治喉风口噤不语，死在须臾救急方。胆矾五分（半生半枯），熊胆三分，木香三分。上为细末，用番木鳖磨井水调和，鸡翎蘸扫患处，如势急口噤，以筋启之用药扫下即消。

治咽喉肿痛水米不下 青盐、白矾、硼砂各等分。共为末，吹患处，有痰吐出立效。

重舌风 无论男妇，舌尖底下又生一舌，渐比正舌犹长，以致正舌不能转动。先用角药取痰，次用冰硼散，三用紫地汤，可用破皮刀按舌下弦，先破一边，如不效，又破一边。重舌之用亦不详，或生左右或中间，医家识得此等症，便使针刀割不妨。

口 舌 门

孙真人口疮方 单用朴硝含之最良。

治满口起泡及饮食不能进者 用孩儿茶、黄柏、枯矾等分，共为细末敷之。

绿袍散 大人小儿口疮 黄柏四钱，甘草一钱，青黛一钱。上先取二味，为末，入青黛同研匀，干贴。

治唇疮 以瓶上滴水搽之，屡效。

治舌胀满口不能发声者 用蒲黄烧烟薰之。

治舌肿方 此症卒然舌大肿硬，咽喉闭塞，即时气绝至危之症。用皂矾不拘多少，以新瓦火煅变红色，放地上候冷，研末，将病人用铁钳拗开牙齿，以药搽舌上可活。

治舌忽伸出不缩者 用冷水一桶，勿令患者知之，对面与患者将冷水一泼，令患者一惊即缩。

治舌上出血方 用香菇煎服。

治舌衄出血方 用槐花末，敷之即止。

齿 牙 门

牙疼海上方

一撮黑豆数枝葱，熟艾川椒共有功。

半碗水煎勤自服，牙疼立止显神通。

石膏白矾共研成，专治牙疼妙若神。

白矾渐加石膏减，常漱①常敷庆百春。

牙疼鹤虱共甘松，白芷细辛分两同。

为末少将牙上擦，煎汤灌漱自安宁。

治牙疼立止方 青盐、火硝、月石、樟脑各一钱，研末，擦牙，立止。

又方 用透明雄黄二钱，胡椒二钱，麝香三分。共为

①漱：原为嗽。

细末，无论风火、虫牙擦之立效。

又方 用松萝茶、紫碱、花椒各三钱，水二碗煎八分，每日早中晚漱口即愈，将水漱完永不复发。

治牙齿寒痛者 用干姜，草拔，细辛。

治牙齿热痛者 用石膏，牙硝。

治牙齿风痛者 用皂角，僵蚕，蜂^①房。

治牙齿虫痛者 用石灰，雄黄。

千金一笑牙痛立止 用巴豆（略烧、去壳）一个，胡椒三粒，一同研烂，将棉花包药，放痛处，涎出不可咽下。

治风火虫牙痛神效歌

一撮花椒水一钟（约二钱），

细辛白芷与防风（各二钱），

浓煎漱齿三更后（煎汤候温热漱齿，吐水再漱，数次即止），

不论牙疼风火虫。

治风虫牙痛方 用芭蕉自然汁一碗，煎热含漱。

治牙齿肿痛方 用酸浆草一把洗净，花椒四十九粒去目，同捣烂，绢片裹定如筋大，切成豆粒大，每以一块塞患处，即止。

治牙痛取牙方 用白马尾烧灰存性，点上即落，不可轻点，恐好牙沾着亦落。

治走马牙疳方 老人亦有此症病者，初时齿内流血不止，急以此药敷之，否则其皮隔夜片片自落，不及治矣，需预先料理备用。

白马蹄（制）、川连（以上二味为臣）、硼砂、青黛、

①蜂：原为蜂。

儿茶、冰片（以上四味各等分）。共为细末，以清水漱去口中血，将药擦入口中即愈。

又方 用蒲黄炒，擦亦效。

便易擦牙方 用五倍子大者一百个，装食盐一斤，铺在锅内，大火烧过，存性，为末。每日擦之，久则须发皆黑。

耳 鼻 门

治耳闭方 细辛、石菖蒲、木通各一钱，麝香二厘。共为细末，棉裹塞耳中即愈。

治耳内作痛不可忍者 用磨刀铁浆滴入耳中立愈。

治脓耳方 煅龙骨、枯矾各等分，为末，吹之即愈。

治百虫入耳方 用香油滴入中即出。

又方 用生姜擦猫鼻，，取尿滴入耳中即出。若夜间暗入者，急坐灯前，使光向耳窍，虫见光亮自出。若蚯蚓等物入者，以肉炙香油置于耳旁，虫闻香油自出。若蜈蚣入耳，用姜汁滴入耳中或韭菜汁，鸡冠血滴入均好。若被咬伤，以盐擦咬处，或盐汤洗伤处，痛即止。

治鼻血不止方 用独头蒜切片，贴于脚心即愈，右鼻贴右左鼻贴左，又用线扎中指根，左鼻扎左，右鼻扎右，极效。

又方 用凉水一碗令患者吃碗，将近口吃时，将水碗一抬，令患者一惊即止。

治鼻中疳疮方 用紫荆花阴干，为末，吹之。

眼 目 门

治风火眼方 老眼昏花，常洗亦佳。

生白矾七分，铜绿八分，川椒三十粒，乌梅一个，杏仁（去皮尖）一个，甘草三分，红枣（去核）一个。上药于砂

锅内量加水，煎半茶钟，露一夜，次早频频温服，洗神效。

洗肝散 治风毒上攻，目赤肿痛难开，隐涩眵泪。

薄荷八分，当归二钱，防风一钱，羌活一钱五分，甘草一钱，栀子一钱，大黄五分，川芎八分。热水煎服。

治眼赤肿方 用胡黄连浸入乳，点之，小儿则涂足心。

治眼珠肿方 用决明子、韭菜子各三钱，研末，姜汁调敷太阳穴，立止。

治目生翳方 桑白皮、椿树皮、枫树皮各等分，杨柳树皮加倍，紫苏茎（去头尾），同煎熏洗。

又方 用野茨菇（即野荸荠）捣汁，去浮水用粉，加冰片少许，以牙筷点眼角数次，神效，即都中鹅毛眼药也，

治烟渣入目 小儿及好烟者，须用乱长头发，或凉帽缨，缓缓拖之即愈，切忌水洗，愈洗愈痛，甚至丧明。

治飞丝入目 用陈墨，磨浓，点入目内少时丝即成团，去之即安。

治青盲眼方 用羊骨煮红米粥，每日三餐，淡服半年则全愈。

治鸡盲眼方 用鸡肝不见水，以竹刀批开，每个加雄黄三分，碗盖蒸熟，淡食，食至数枚即愈。

洗眼复明方 用桑皮一两，烧灰存性，水一钟煎至八分，去渣，洗至一年，胜如童子，此方不可秘藏，宜广传布。

打伤眼睛 速用生猪肉一片，加当归、赤石脂末少许，掺肉上，贴之，去毒肉即愈。又外敷方：生地一两，杏仁二十粒，去皮尖，研细末，水调稀棉①纸②摊药，敷在眼上令

①棉：原为绵。

②纸：原为纸。

干。

眼珠无故涌出 羌活煎浓，乘热熏之即入。

凡治明目去昏翳，大利老眼，得补法之良。海盐二斤，拣净，以百沸汤泡沥，取清汁于银石器内熬取雪花白盐，磁器盛贮，每早用一钱擦牙，以水嗽口，用左右手指互以口内盐津，细洗两眼大小眦内，闭目良久，却用水洗面，能洞视千里，明目坚齿极妙之法，此东坡手录目赤不明昏花眼神妙。

头 面 门

治头风方 白芷一两五钱，川芎、甘草、川乌各一两。共为末，每服一钱，茶下。

又方 大腹皮、当归、川芎各一钱，北细辛五分。酒、水各碗半，煎服。

冲和膏 治偏正头风并眼痛者，涂上立愈。

紫荆皮（炒）五两，独活（炒）三两，赤芍（炒）二两，白芷一两，菖蒲一两。上为末，葱头煎浓汤调涂，药到痛止。

治偏头风方 用新萝卜自然汁加冰片少许，调匀仰头灌入鼻孔，左痛灌左，右痛灌右，移时即愈。

又方 用马齿苋即酱板草，不拘多少煎滚，薰鼻孔，左痛薰左，右痛薰右，即愈。

治偏正头疼方 雨前茶四钱，细辛二钱，川芎二钱，赤芍、何首乌（制）一钱五分，牛膝二钱，苡仁一钱五分，生甘草五分。水煎服。

又方 用白芷、川芎各二钱，陈酒煎热，食尽醉，其痛即失。

治热疔头方 以芙蓉叶为末，经霜者良，或花鲜者亦可，捣烂，用蜜调涂患处，留头渐愈。

又方 用芭蕉叶及根，大凉。患热疮者，捣烂，涂患处。

济世方 治疔腮肿痛。车前草、柏子仁、竹叶各等分，杵碎，热敷患处，立效。

又方 用赤小豆杵碎，醋调敷之，其效如神。

治下颏落方 乌梅，含一个，即上。

治头上及遍身风痒，生疮疥者。用茵陈煮浓汁，洗。

治天泡疮方兼治肥疮、白蛇患等症。真香油加旧生铁上锈，用手磨下铁锈，不拘多少，加靛膏二厘，入油内，搽疮上自愈。

生头发方 凡大病后及出痘后，每不能生发者，将热鸡血搽数次，即生如旧。

寒热头风 童便一盞，入葱头，煎服。

乌须黑发 何首乌（用赤不用白，用圆不用长）一斤，桑椹（用红不用黑，拣大粒者）二斤。先将首乌用竹刀切片，忌铁器，晒干，又将桑椹晒干，同研末为丸，每早盐开水下二钱。

手 足 门

治手生天蛇头 用元参五钱，甘草三钱，为末，鸡蛋白调匀，搽之。

冻脚疮方 用甘草，甘遂，不拘多少，煎汤热洗数次，立效。

治脚气 用补中益气汤加薏米仁三钱，牛膝二钱，服四五剂则愈。

治湿气两腿作痛者 用艾叶二两，葱头一握，捣烂，生姜一两五钱，捣烂，用布共为一包，蘸极热烧酒擦患处，以痛上为度。

治膝风疼痛方 用菊花、陈艾叶作护膝，久则自除。

治脚烂成疮，流黄水，搔痒不止者。 用地肤草（俗名扫帚菜）三四两，川椒三钱，煎水，洗之。再用房内倒挂屋龙灰尘，敷数次立效。

治脚丫烂方 用荆芥叶，捣烂敷之。

又方 用干茶叶嚼细敷之。

治脚汗方 用白矾五钱，干葛五钱，上为末，水煎，逐日洗，连洗五日，自然无汗。

治瓦石荆棘刺足方 用盐梅二枚，去核，和洁白糖捣烂，敷患处立效。

治行路足打成泡 用水调生面，涂之夜即平。

又方 用针穿棉线约四五寸许，于油内浸过，将线点燃穿泡内，带火抽过，泡内水出即愈。

治行路足肿方 用草鞋浸尿缸内半日，以砖一块烧红，置鞋于砖上，将脚踏之，令热气入皮内即消。

又方 草乌、细辛、防风各等分，共为末，铺鞋底内，以水拌湿布衬，踏之可行千里。

治两脚冻块 以经霜茄干，煎热汤洗之，数次全愈，如破烂，以经霜茄叶烧灰为末，掺之。

漆疮方 真香油调樟脑，搽患处。

消毒神效 凡发背、痈疽初起即散已成，搽三次收小出毒，隋金名曰：消毒神丹屡试屡验。

鲜山药（不见火）五两，土红朱二两，松香一两，全蝎十斤，白糖二两，共捣烂围之留顶，药上盖纸，周时一换。

脚指缝烂疮 鹅掌黄皮，焙干烧灰，存性，为末，掺上。或因暑热抓烂，细茶嚼烂，敷之即全。

腰 背 门

治腰痛丸 治肝^①火气不舒畅，邪入外肾，腰疼之症。

杜仲（青盐水炒）八两，故纸（青盐水炒）八两，夏枯草四两，香附（童便制）四两，核桃肉一斤（捣如泥），共为细末，炼蜜丸桐子大，盐汤、黄酒，空心服，每服约三四钱。

专治腰痛方 全当归一钱，生桃仁七粒，红花一钱，牛膝一钱，威灵草五分。水一碗，煎好加老黄酒一碗，兑服即愈。

又方 用黄芪（炒）五钱，杜仲（盐水炒）一钱，破故纸一钱，胡桃肉五钱，陈酒兑服。

又方 用破故纸三钱，猪腰一付，酒洗，忌水。以竹刀破开，忌铁，去净腰筋膜，将故纸入腰内，酒蒸烂熟，橘、桃二钱为末，用洋虫七个，酒冲服。

膏蛾丸 治肾虚腰疼。

补骨脂四两，杜仲四两，胡桃三十个，打碎并药研末为丸，酒送。

治发背初起痛焮赤热。用浮萍捣烂和鸡子清，贴之。

治发背左右反搭奇方 用桐树叶（打桐油树）数张，浓茶煎，取叶，俟冷，代膏药贴患处，每日换一张，至六七张全愈。

①肝：原文为“汗”，依文义改。

补阴汤 治肾虚腰疼。

当归、白芍（酒炒）、生地、熟地、陈皮、茴香（盐酒炒）、故纸（酒炒）、牛膝（去芦，酒洗）、杜仲（去粗皮，酒炒）、茯苓（去皮）各一钱，人参五分，黄柏（去粗皮，酒炒）、知母（酒炒）各七分、甘草（炙）三分。上锉一剂，枣二枚，水煎，不拘时服。痛甚大者加乳香、砂仁、沉香，去芍药、生地、陈皮。如常服合丸药服俱为细末，炼蜜为丸如梧桐子大，每服五十丸，清心米汤下，酒亦可。

养血汤 治腰痛、腿痛、筋骨疼痛。

当归、生地、秦艽、肉桂、牛膝（去芦，酒洗）、杜仲（盐、酒炒）、茯苓（去皮）、防风（去芦）各一钱，土茯苓一钱半，川芎五分，甘草三分。上锉一剂，水煎、临熟入酒少许，同服。

咳 嗽 门

专治咳嗽方 用川贝母、茶叶各一钱，冰糖三钱，共为末，滚汤下。

清金丸 治咳嗽久不能愈，身热，肌瘦将欲成癆之症。用枇杷叶（去毛、炙）、款冬花、紫苑杏仁、桑皮、木通各三钱，大黄（酒蒸）一两。蜜和为丸，夜服二钱。

伤风咳嗽 用白芷、荆芥、防风各二钱，麦冬、五味、半夏各八分。水煎，空心服。

参苏饮 治四时感冒，发热头痛，咳嗽声重，涕唾稠粘，中脘痞满，呕吐痰水，宽中快膈不致伤脾，此药大解肌热，潮热，将欲成癆，痰嗽喘热等症。

人参五分，紫苏、前胡、桔梗、枳壳、干葛、陈皮、半夏（汤泡）、白茯苓（去皮）各一钱，甘草三分，木香三分

（初病热嗽去之）。上锉一剂，姜枣煎服。

咳嗽不止海上方

咳嗽多日犹不止，须知只用好浮萍，
干时捣烂浓煎服，一夜安眠直到明。

远年咳嗽海上方

远年咳嗽最难痊，休要求人枉费钱，
但用款冬花作末，烧香一吸便安然。

治热嗽不止方 用熟瓜蒌一个（入浓茶一杯，洗去子），再加蜜一杯，以碗盛于饭上蒸熟，取出，时时挑三四匙咽之。

又方 用百部一味，熬膏入蜜，不拘时服。

治咳嗽肺痿，吐血，气喘等病。用猪肺一个，洗净血水，照病人每岁杏仁一个，去皮尖，将肺以竹片签孔，每孔入杏仁一个，用麻扎住，安磁器内，重汤煮熟，去杏仁，只吃此肺，轻者只须一具，重者吃二具则愈。

治哮喘方 用隔年陈香椽一个，切片，酒米糖一碗，煮三炷香，去香椽不用，每日将糖吃下，吃完则愈。

治老人喘咳不得卧者 用杏仁（泡去苦味、皮尖、炒）、核桃肉各等分，入炼蜜丸，弹子大，每服一丸，细嚼，用姜汤下。

治上气喘急不得卧者 广皮、桑白皮，苏叶、白茯苓各等分，半夏^①，生姜三片，煎服。以上二方为人子者须留心。

治多痰方 用叭哒杏仁（去皮尖），胡桃肉（去皮），冰糖，合为丸，随服。

①半夏：原文无分量。

治痰火方 治咳嗽吐痰，面鼻发红者。

用葛粉三钱，青黛（水飞极细，晒干，再研用三四钱），二味炼蜜为丸，龙眼核大，临卧口噙二丸神效。

治痰壅胸膈方 用梨汁一碗，姜汁、白蜜各半碗，薄荷三两，研细末，重汤煮十余沸，任意服，降痰如奔马。

治痰壅火动胸膈方 用生姜汁半杯和沙糖二匙调匀，滚汤下。

消痰润肺方 用贝母研末，利沙糖为丸，含之嗽即止。

通关散 治痰厥及暴发火眼，伤风头昏，偏正头风等病，

鹅不食草（五钱，去净土），牙皂二钱，细辛二钱。用明矾水将鹅不食草、细辛洗净晒干，用牙皂共为细末，听用吹鼻。

火热咳嗽多痰 生地、麦冬、贝母、桑皮、枇杷叶、云苓、陈皮、知母、款冬花、桔梗、山梔、甘草各等分。煎服，立效。

阴虚咳嗽吐血，心慌喘急盗汗。黄柏、知母、生地、熟地、天冬、麦冬、杏仁、胡桃等分。蜜丸。

感 冒 门

治四时感冒方 用陈皮五钱，苏叶一钱，生姜三片。煎汤服一二帖，或汗或不汗，自愈。

治伤寒头痛发热方 用连须葱白四两，老姜二两，淡豆豉三十粒。水煎温服，见汗避风，或用神仙粥最妙。

九味羌活汤 治四时伤寒，伤风头痛，遍身尽痛，腰脊强，发热，昼夜不眠，不思饮食。

羌活、防风、川芎、白芷各一钱，细辛四分，柴胡、黄

芩、生地、甘草、苍术各八分，生姜三片，枣三枚。煎服，如恶心减黄芩，如有汗加白术苍术，如口渴加知母石膏，如鼻塞加紫苏葱白。

和解散 治伤风鼻塞，咳嗽胸胁刺痛，发热口渴。

紫苏、杏仁、陈皮、半夏各一钱，前胡、薄荷、葛根、甘草、桔梗、桑白皮各一钱，姜三片，葱白三根，枣一枚。煎服，

参苏散 治伤风鼻塞，发热恶风有痰，胸膈不快。

橘红、枳壳、桔梗、粉草各一钱，木香、苏叶、半夏、前胡、人参、茯苓各八分，姜三片，枣一枚。咳嗽甚者去人参、木香，热甚喉痛除半夏加天花粉、黄芩。

神仙粥 专治感冒风寒，暑湿头疼骨痛并四时疫气等症。初得病二三日服此即解。用糯米半合，生姜五大片，河水二碗于砂锅内煎一二滚，次入带须大葱白五六个，煮至米熟，再加米醋小半盞入内和匀，乘热吃粥或只吃粥汤。即于无风处睡，以出汗为度。此以糯米补养为君，姜葱发散为臣，一补一散，而又以酸醋敛之，甚有妙理。屡用屡验，非寻常发表之剂可比也。

治伤风咳嗽方 用荆芥一钱，薄荷一钱，紫苏一钱，葱三根连须捣，橘饼二个切片，生姜三片，五味煎透冲葱服，避风出汗自愈。

小柴胡汤 治伤寒五六日，寒热往来胸胁痞满，默默不思食，心烦喜呕，口苦，耳聋，脉弦数者，此是少阳经半表半里之症，宜此以和解之。

柴胡半斤，黄芩三两，人参三两，半夏半斤，生姜三两，甘草三两，大枣十二枚。上七味以一斗二升水者取六升，去渣，再煎取三升，温服一升，日三服。若胸中烦而不呕，去半夏、人参，加枳实。若渴者去半夏加人参、栝蒌

根。若腹中痛去黄芩、加芍药。若肋下痞满^①，去大枣加牡蛎。若心下悸，小便不利者去黄芩加茯苓。若不温，外有微热者去人参，大枣，生姜，加五味子，干姜。

六合定中丸 苏叶、藿香叶各四两，香薷二两，木通（另研细末）一两，赤茯苓二两，生甘草二两，木瓜二两，檀香（另研细末）一两，羌活二两枳壳一两五钱，厚朴（姜汁制）一两五钱，柴胡一两。共为细末，炼蜜捣匀为丸一钱五分。治方列后：

治四时瘟疫，姜汤下（春冬宜用姜汤，秋夏宜用黑豆、甘草汤下）。

治妇人产后恶露不尽，红花、山楂煎汤下。

治大人小儿伤饮食，莱服子煎汤下。

治男、妇心胃痛，吴茱萸汤下。

治感冒，头汤调服。

治小儿发热吐乳，山楂、灯心汤下。

治心口饱胀呕吐，生姜汤下。

治小儿惊风，薄荷汤下。

治中暑，冷水调服。

治霍乱转筋，阴阳水煎服。

治痢疾，水调服。

疫 瘴 门

菩提丸 治一切时行瘟疫诸病，不服水土，山岚瘴气等症。

陈皮、制半夏（姜汁炒）、南苍术（炒）、厚朴（姜汁炒）、砂仁（炒）、枳壳（炒）、香附（酒炒）、白茯苓、

^①满：原文作鞭。

白扁豆（炒）、黄芩（酒炒）、南薄荷、藿香、紫苏叶、南山楂、神曲（炒）、生甘草各十两。上为细末，用荷叶煎汤为丸如弹子大，每服三钱，淡姜汤送下或开水送下亦可。

正气散 治外感发热头痛，四时疫疔或中脘痞满，呕逆恶心霍乱，及伤寒头痛，憎寒壮热。

茯苓、白芷、紫苏、陈皮、桔梗、大腹皮、甘草、白术、厚朴、半夏各等分，藿香二两，山楂一两，姜三片，枣二枚。煎服，每服五钱。

败毒散 治四时疫疔，伤风有汗，风湿身肿，体疼恶风，口干，日晡发热。

茯苓、甘草、人参、桔梗、川芎、柴胡、前胡、枳壳、羌活、独活各等分，生姜三片，薄荷五片。煎服。一方加荆芥、防风，名荆防败毒散，专治瘟疫等症。

大头风 用井底泥调大黄、芒硝涂之立效。

又方 治大头疫如神。贯众三钱，葛根二钱，甘草一钱半、白姜虫一钱（炒）。水煎服，加黑豆三钱更妙。

金不换正气散 治四时感冒，瘟疫时气及山岚瘴气，寒热往来，霍乱吐泻，下痢赤白，或出远方，不服水土等症。

白术（炒）一钱，陈皮一钱，厚朴（姜汁炒）一钱，生姜三片。煎服，如有别症，随病加药二三味。

治瘟疫方 用虎耳草捣酒服。

治大头瘟及头肿蛤蟆等症 用僵蚕一两，姜黄二钱半，蝉退六钱半，大黄四两。共研细末，姜汁打糊为丸如桐子大，每服一钱，用蜜水调下。

芩连消毒汤 治天行大头病，发热恶寒，头项肿疼，脉洪。取作痰火治之，其喉痹者亦照此方治之。

柴胡、甘草、桔梗、川芎、黄芩、荆芥、黄连、防风、

羌活、枳壳、连翘、麝香、白芷各等分，先加大黄利去一二次后，依本方去大黄，加人参、当归调理。水二杯，姜三片，煎至一杯，鼠粘子一撮再煎一沸，槌法入竹沥、姜汁调服。

治大头时疫 川连、黄芩、生甘草各等分，每服五钱，水煎温服。

清热解毒汤 川连、白芍、生地、黄芩、人参各三钱，石膏、羌活、知母各二钱，生甘草一钱半，升麻、葛根各二钱，生姜切片二钱。

犀角消毒汤 治毒气发痹痛痒等症。

牛蒡子二钱，防风二钱，荆芥一钱，甘草八分，犀角（磨汁）五分每服三钱，入犀角汁服。

消毒丸 治时疫疙瘩恶症。

大黄、牡蛎、僵蚕各一两，为末，蜜丸弹子大，新汲水化一丸。

普济毒消饮 治天行疠气，瘟疫为病，其效如神。

黄芩，黄连，陈皮，桔梗，板兰根，升麻，柴胡，薄荷，连翘，甘草，姜蚕①，马勃，元参，牛蒡子，灯心。水煎服。

辟疫方 用雄黄末，菜油调涂鼻中，空心再服雄黄酒一杯，永不沾染。

又方 以生大黄于室内烧之或制作扇坠等器，各佩一枚，可辟一切瘟疫邪秽。

泻痢门

脾泻丸 治久泻，每早溲泻一二次，此为脾虚泄泻，用此补脾养胃而泻即止。

①蚕：原文作虫。

白朮（土炒）、白茯苓各二钱，小茴香（炒）、肉蔻（煨）各一钱，故纸（炒）二两，木香五钱。加生姜煮红枣肉为丸，桐子大，空心下二三钱。

水泻痢病 水泻用乌梅，去核三个，车前子炒黑五钱，水煎服。痢疾用木香、厚朴、大黄等分为末，滚水送下。

治水泻泄不止 用车前子（炒）三钱米饮下立止。

止泄丸 用肉蔻二钱，滑石一钱，（夏秋滑石二钱，冬一钱）。未愈再服。

七味白朮散 治久泻脾虚脾泄如神。

土炒白朮，用米泔浸洗，用陈皮入甌蒸透，去陈皮。每服二钱，米饮调下。

治脾虚泻泄及老人五更泻泄等症。猪苓、白朮（土炒）各五钱，木香一钱半，莲肉（去心）三两，黄老米（炒）三合，泽泻①（炒）五钱，白沙糖一两，干姜（用湿纸包、煨熟）二钱。共为细末，每服三钱，空心白汤下。此方简便不费多钱，有老父母切宜留心。

治水泻不止者 用枯矾一钱，公丁香五分，研末，黄酒调服。

又方 用查炭、麦芽、红糖各三钱。淡姜汤冲服。

治痢疾神效方 用细茶（同盐炒黄三钱，去盐），槟榔三钱，水煎服。

又方 用罌粟花七个，建莲子七个，酸梅七个，红枣七个，姜七片，红糖七钱，灯芯七寸。水三钟，煎七分，露一夜，温服，或用五虎散、香参丸治之，皆百发百中之药也。

五虎散 伏毛、陈芽茶、冰糖、神曲、山楂肉各三钱。

①泻：原文作宅夕，下同

水煎服。

香参丸 木香四两，苦参（炒）六两，甘草一斤。熬膏为丸，如桐子大，每服三钱，白痢用姜汤下，红痢用甘草汤下，噤口痢用砂仁莲肉汤下，水泻用猪苓、泽泻汤下。

又方 槐花散，治血痢久不止。腹不痛，无里急后重，此脏毒也。

青皮、槐花、荆芥穗各等分。

遇仙立效散 治诸恶痢，或赤或白，或浓或淡相杂，里急后重，脐腹绞痛，或痢下五色，或如鱼脑日夜无度，或噤口不食。不问大人、小儿虚弱、老人、产妇并宜服之。

御米壳①（去蒂、盐炒）、当归各二钱，甘草、地榆、赤芍、石榴皮各一钱，食前服，忌生冷油腻。

又方 治诸痢症。

生大黄（炒）一两，熟地黄（炒）一两，苍术（米汁水浸，陈土炒焦）三两，杏仁（去皮、尖）二两，羌活二两，川乌（去皮，面包，煨透）一两五钱，生甘草一两五钱，上药依方炮制，共研细末，每服一钱六分，小儿减半，孕妇忌服。赤痢加灯芯三十寸，煎浓汤下，白痢加生姜三片煎汤下，赤白痢加灯芯三十寸，生姜三片煎汤下，水泻用米汤下。

治热痢不止方 用车前叶捣汁，入蜜一合，煎，温服。

治血痢不止方 用麻子仁汁煮绿豆，空心服。

又方 用干姜烧黑存性，放冷为末，每服一钱，米汤下。

治白痢方 炒葛面方七寸，入粥中食能疗日泻百行不止

①御米壳：即罂粟壳。

者。

痢病一方 不论红白脓血，身热里急后重其效如神。

川连、黄芩、白芍（生用）、楂肉各一钱，枳壳（面炒）、厚朴（姜汁炒）、尖槟榔、青皮各八分，当归、甘草、地榆各五分，红花三分（酒洗），桃仁（去皮尖，研成泥）一钱。用水五茶杯，煎二杯，入南木香三分，磨入，食后温服。渣水三杯煎一杯服，如涩滞甚者加酒炒大黄三分，服二剂仍去之，单白痢去地榆、桃仁加橘红三分，广木香三分，十日内甚效，若半以往再服后方。

痢病二方 川连（酒炒六分，生用四分），条芩（酒炒六分，生用四分），白芍（酒洗六分，生用四分），楂肉一钱，青皮、厚朴（姜汁炒）、橘红、尖槟榔各四分，炙草三分生二分，当归五分，地榆四分，红花（酒洗）三分，桃仁泥（六分）。水煎如前，入木香末二分，若延至月余，脾胃虚滑者须用后方。

痢病三方 人参（力乏者，洋参二钱代之）五分，黄芩（酒洗）、白芍（酒炒）各三分，橘红、厚朴各三分，地榆四分（醋炒），红花二分（酒洗），白术、当归各五分，炙草一钱。水煎，入木香末二分，有胎去桃仁、红花、槟榔。前方有此。

治赤白痢下五六年者 荆、沥、每日服五合。

治噤口痢方 莜麦，每日服二钱，沙糖水调下。

经验不犯痢疾方 立秋日以赤小豆七粒或十四粒，以井华水面西服一秋，不犯痢疾。

疟 疾 门

疟疾经验神方 用真贝母（去心、研细）六两，半夏

（另研细末）四两六，铜锅炒嫩黄色候冷，紧贮，每服一分五厘，用生姜汁二三匙和药隔水炖热，疟来先一时服下即愈，重者再服一次。但愈后忌食发物及南瓜、鸡蛋、芋等二三月，永不再发。苦扁豆不惟忌食，患者且不宜见，此方出自都中，须于五月五日午时虔制，勿令妇女鸡犬得见尤妙。

截疟温脾饮 治脾虚痰涎上涌，发作则吐，神效。

白术、生姜各五钱，水煎，空心服。

局方双解饮子 治疟疾，辟瘴气神效。食疟、寒疟更妙。

肉豆蔻（一生一煨）二个，草豆蔻（一生一煨）二个，粉草（半生半炙）一两，厚朴（半生半炙）二钱，生姜（一生一煨）二片。

治疟病不止方 用火麻叶不问荣枯，锅内文武火慢慢炒香收起，纸盖令出汗，尽为末，临发前或茶酒下，移病人原睡处，其状如醉，醒即愈。

又方 用火麻叶如上法为末一两，加缩砂、丁香、陈皮各半两，酒糊丸如梧子大，酒茶任下五七丸，能治诸疟，壮元气。

治疟海上方

常山捣末取三钱，四个乌梅去核研。

疟病未来调酒服，须臾得吐去剩涎。

截疟方 用白矾三分研末，饭七分为丸，九粒，临发早服之即愈。盖无风不成痰，无痰不成疟。凡能消痰故奇验也。

又方 用红牛膝根捣烂冲酒服，渣敷手脉筋，男左女右亦效。

治自汗 用黑豆，淘洗，磨成豆腐浆，锅内熬熟结成皮，每食一张，用熟黑豆浆送下即效。凡人每日清晨吃黑豆腐浆，大

有补益，可以免癆瘵之症。

治盗汗 莲子、黑枣各七个，浮麦、马料豆各一合，用水一大碗，煎八分服之，三次全愈。

又方 小黑豆一合，饱满者浮小麦一合，水一碗煎七分，卧时服三次全愈。

痛 疝 门

治急心疼方 一个乌梅二个枣，七个杏仁一处捣，男酒女醋送下之，不怕心疼直到老。

治心气痛方 用芝麻叶和炒黄好米，醋一杯煎至三分，服之神效。

推气散治右肋痛如神 片姜黄、枳壳、桂心各一钱，甘草八分，姜三片，煎服。

枳芎散治左肋痛如神 枳实、川芎各一钱，甘草八分，姜枣煎服或酒调下。

柴胡泻肝散 治郁怒伤肝左肋痛。

柴胡一钱二分，甘草五分，青皮、芍药各一钱，黄连（炒）、山梔（炒）各八分，龙胆草八分，川归一钱二分。

治心胃痛方 用新棉花核炒黄，研末，每服三钱，陈酒送下，连食三服，即可除根。

治胃脘痛方 用良姜酒洗七次，炒。香附酒洗七次，炒。上为末，痛因怒起者，倍用香附。痛因寒起者，倍用良姜。寒怒兼者，各等分，每药一钱五分，以米汤加姜汁一匙，盐少许，服下。

专治肚痛不拘寒热经验方 青蒿子（以霜降后取者为佳）一钱五分，青皮七分五厘，育木香七分半。共为细末，白滚汤送下。

雄矾散 治阴肿大，形如斗核。

雄黄一两，白矾二两，甘草五钱，水煎，先薰后洗，甚效。

雄黄散 治阴肿大。

雄黄一两，白矾二两，甘草生半两，以水煎洗。

荆芥散 治肾肿。

荆芥一两，朴硝二两，萝卜、葱同煎汤洗。

木香顺气散 治气滞腹痛。

木香（研兑）八分，香附一钱，槟榔一钱，青皮五分，陈皮一钱，厚朴一钱，枳壳五分，砂仁一钱，甘草二钱，白术三钱，生姜三片，水煎服。

治虫肚痛方 用马齿苋盐炒一大碗，空心食之，虫自出。

又方 用苦楝子树皮，煨精肉，每逢月头服。

止痛海上方

草果元胡索最先，灵脂没药乳香连，

酒调一盞宜温服，肚痛心疼似手拈。

治疝气神方 山楂肉四两，枳实二两，小茴、山梔仁（各炒）各二两，柴胡一两。丹皮（去骨）二两，桃仁（炒去皮）二两，八角茴香（炒）二两。共为细末，面糊丸桐子大，每次空心服五六十丸。

又方 用大茴香（炒）一钱，小茴香（炒）一钱，荔枝核（炒）五钱，橘子核（炒）五钱。共为细末，红糖调服，一服止痛，三服除根。

治偏坠作痛方 用芙蓉叶黄柏各三钱，为末，以木鳖子一个磨醋调涂，阴囊其痛自止。

淋 浊 门

治男妇血淋方 用酒瓶头箬叶三五年者，妙。每用七

个，烧存性，入麝香少许，陈皮米饮下，日三服，全愈。

专治血淋方 用白鸡花，烧存性，米饮调下。

又方 用马鞭草，不拘多少，以水洗净，入白石臼内捣烂，取自然汁半盏，兑生酒半钟，隔水炖热温服，三次即愈。

又方 用浮小麦加童便炒，为细末，沙糖调服。

又方 用男子头发烧灰存性，调服。

又方 用川牛膝一两，水煎，早晚服。

治定志丸 治心气不足，脾弱不能摄精，心肾不交小便白浊等症。

远志、石菖蒲、白茯苓、人参各等分。

本方治小便难小腹胀急 葱白一斤，细切，炒令热，以帕子分两包更替，熨脐下即通。

治小便不通垂死者 元明粉一两，淡竹叶三十片，灯草一钱半。

车前子散 治诸淋小便不通，痛不可忍。

□①淡竹叶、赤茯苓各二钱，灯草，口每服必效。

瓜蒌散 治腹胀小便不通

瓜蒌仁不拘多少，为末。每服三钱，温酒调下，以通为度。

治血淋腹胀欲死者 用藕汁调发灰，每服三钱，三日全愈。

治热淋如血者 用蚕纸烧灰，入麝香少许，水服二钱极神效。

水陆二仙丸 治精脱肾虚，梦遗自浊等症。

①口：原文脱。

用金樱子（去毛刺洗净，取汁熬膏），茨实粉糊丸，淡盐汤下，兼服补阴药更妙。

治遗精效方 用牛角腮（炙）、香瓜种子（焙）各等分。共为细末，炼蜜丸桐子大，每服三钱，食前滚水下。

治白浊方 用白果一斤，零碎食之，即愈。或用火酒隔夜浸之，食一二枚，可以不泄。

治痔疮肠红方 百草霜一两，黄连一两，乌梅一两，以上三味用酒浸一夜，捣烂，空心开水送下即愈。

治痔瘡方 清心丸。黄连一两，茯苓五钱，赤茯苓五钱，研末，蜜丸，每服三钱，水饮下。

万金至宝卷中

妊 娠 门

治妇人怀孕后经水又来（或半产下血不绝或妊娠下血等症）

阿胶（炒成珠）四两，川芎二两，生甘草二两，当归三两，艾叶三两，干地黄三两，白芍四两，水五升，酒三升煮取汁三升，入阿胶溶化，陆续服。

治妇人数月之后，忽然中风。（涎潮仆地，目吊口噤，名曰子痫。）

羚羊角一钱，独活、防风、川芎、当归、枣仁（炒）、白茯神、杏仁（泡、炒）、薏米各五分，甘草三分，五加皮五分。水煎服，生姜为引。

佛手散，治六、七月后伤胎，子死腹中，疼痛不已，口噤昏闷，或心腹疼痛，血上冲心者服之，生胎即安，死胎即下。又治横生倒产，及产后腰疼发热，除败血，生新血，能除诸病。

用当归五钱，川芎三钱，水七分，酒三分，同煎七分服。如横生倒产，子死腹中者，加黑豆一合，炒焦热，乘热淬入水中，加葱便一半煎，少刻再服。

治妊娠九个月后（预服一剂，过数日再服，临产易免生诸病。）

当归身（酒洗）、川芎各一钱五分，兔丝子一钱半，白芍（酒炒，冬月一钱，余月一钱二分。），川贝母一钱，荆芥

穗、黄芪（蜜炒）各八分，杜仲、厚朴（姜炒）、蕲艾叶各七分，枳壳（炒）六分，甘草五分，姜三片。水煎，空心服。

治胎气不和湊上胸前（腹满头痛心腹痛，名曰子悬。）

紫苏一钱，当归七分，川芎、白芍（酒炒）、人参各五分，陈皮五分，大腹皮五分，甘草六分。加姜煎，空心服。

治妊娠心惊胆怯（终日烦闷，名曰子烦。）

淡竹叶一片，麦冬（去心）一钱半，白茯苓一钱半，黄芩一钱，灯芯十根。水煎服。

泽泻散 治孕妇遍身浮肿，上气喘急，大便不通，小便赤涩。

泽泻、桑皮、术通、枳壳、赤茯苓、槟榔各五分，姜三片，煎服。

治孕妇心疼方 用延胡索（酒炒）二钱，当归一钱，（去油研末）乳香五分，甘草一钱，水煎调乳香末服。

治孕妇腹痛方 用砂仁（炒）一两，条芩一两五钱（酒炒），白术（土炒）一两。共为细末，每服三钱，紫苏汤调服。

治孕妇大便闭涩方 用当归、川芎、白芍（酒炒）、生地、枳壳、黄连（酒炒）各一钱，上锉一剂，水煎服。

治孕妇泄泻方 用人参一钱，白术（土炒）一钱，干姜（泡）五分，炙甘草四分，肉蔻一钱（煨），砂仁（炒）七分。上锉一剂，水煎服。

治孕妇红白痢病方 用鸡蛋一个（乌鸡更佳），破一孔，去白留黄，入黄丹一钱，搅匀以厚纸糊口，盐泥封固，火煨，焙干为末，每服三钱，米汤调下。如一服愈者是男，二服愈者是女。

罗（大无）大宁散 治妊娠下痢，赤白灰色，泄泻疼痛垂死者。

用黑豆三十粒，粟壳（半生半炒）一两，甘草（半生半炒）一两。水煎，一服即愈。

治孕妇咳嗽见血方 用当归身、熟地、天门冬、麦冬（去心）、紫菀各五分，桑白皮、杏仁（泡）、桔梗、炙甘草、片苓、五味子、阿胶（炒）各三分，上锉一剂，水煎服。

治胎前发疟海上方

胎前发疟苦难言，寒热交攻最可怜，
急取夜明三钱净，空心调服自安然。

安胎海上方

紫苏陈皮橘皮葱，细末砂仁煎酒同，
胎气不安心上凑，腹中胀痛有神功。

千金保胎丸 治小产一切气血不足，常服可以保全。

当归（酒洗）二两，川芎一两，熟地（姜汁炒）四两，
阿胶（蛤粉炒）二两，艾叶（醋炒）四钱，砂仁（炒）五钱，
条芩（酒炒）两五，益母草二两，杜仲（去粗皮）四两（姜汁酒炒），
白术（土炒）四两，陈皮一两，续断（酒洗）一两，
香附米（酒、醋、童便、盐水各浸一日，炒）。上锉为末，枣肉为丸，每服白汤下。

安胎催生方 凡遇妇人怀孕三五月或感冒寒热，胎动不安及未足月之时，服之即安。如足月当产，服之即产。不论体之强弱，人之老少，皆可煎服。

当归一钱，贝母八分，黄芪、紫苏六分，枳壳六分，兔丝子一钱四分，白芍一钱，甘草二分，厚朴五分，藿香二分，蕲艾叶三分。以上作一帖，用白水二碗煎熟，热服一二剂或三四

剂，自然快生顺产，母子两全。但此方要以戢子照等分称过方效，不可任意手撮。若生下孩儿之后，则此药一滴不可入口，曾有误服致不便者。切嘱切嘱。

催生海上方 黄葵子（炒）七十粒，烂研，酒服，济人急，妇人产难即全生，免得合家共忧戚。

产 育 门

产难海上方

铁锤火炼透中红，淬酒乘热饮一钟，
专保妇人临产难，即分早晚喜相逢。

急救产难仙方 全当归（酒浸）一钱五分，川贝母（去心）一钱，羌活五分，炙甘草五分，荆芥穗八分，厚朴（姜汁制）七分，藜艾（醋炒）七分，枳壳六分，菟丝饼（酒制）四分，生芪（蜜水炒）八分，川芎一钱半，白芍（冬一钱、春夏秋一钱二分），姜二片。用水二碗，煎八分，温服。

此方务必称足份量，不可加减多少，如三两月胎动不安者，服一剂即安。五七月预服一剂，则临产平安易生。如临月服一剂，即顺利无比。或横生逆生七五日不下，二三日不养者，按方服一剂，立刻顺生，母子平安。

又方 用路旁草鞋鼻，烧灰，酒下，易生。

救急散 治产后赤白痢，腹中绞痛。

白芍、阿胶、艾叶、熟地各二钱，甘草三钱，当归五钱。

胎衣不下海上方

灶中土是伏龙肝，药贱功殊不等闲，
为末酒调温口服，胎衣不下是灵丹。

又方 用无名异（即漆匠所用煎油的干子是也）为末，三钱。以鸭蛋白调匀，碗贮，次用老米醋一茶杯，热滚和药同服。其胎衣即缩如称锤样下来。或不下，不必惊惶，再服前药三钱，万无一误。

清魂丸 治产后气血暴损，虚火妄动，心神昏乱，眼花等症。

泽兰叶一钱，人参一钱，荆芥三钱，川芎一钱。为末，每服二钱，酒调服。

治胞衣不出（脐腹膨胀，急痛顷刻杀人，服此胎衣烂下，亦可下死胎）。

牛膝二钱，瞿麦二钱，归尾三钱，通草三钱，滑石四钱，冬葵子二钱半。连服二剂，立效。又方加桂心一钱。

倒生海上方

儿在腹中将倒生，浑家惊惶计无边，
寻取伏龙肝末服，酒调一剂便分生。

加味芎归汤 当归一两，川芎七钱，龟板（醋炙醋末）一块，妇人头发如鸡蛋大，（瓦上焙、存性）。水二碗，煎一大碗服，如人行五里即生。或胎死交骨不开，用服此方如神。

易产神方 将产一两月，每日清晨以豆腐浆一碗，入麻油二匙，热饮。若患脾气泄泻，暂停几日，不惟临盆省力，并小儿亦少患疮疹。

当归养血汤 治产后血瘀，心腹胀痛或腰脚疼痛。

当归、赤芍、丹皮、延胡索（炒）各二两，桂心一两。为末，蜜丸，每服二钱，酒下。

隐居泽兰汤 治产妇恶露，腹疼，胸满气少。

泽兰、生地、当归、白芍（炒）、生姜各一钱，甘草四

分，大枣四枚。

治产妇血晕汤 速将产妇扶坐，不可睡卧。急烧炭，沃醋，令醋气冲入口鼻内即醒。或多烧旧漆器亦妙。

治产后痢疾方 用红苋菜一把，大米三合，同煮粥食。

生化汤 治产后儿枕痛及恶露不尽，腹疼等症。

当归六钱，川芎三钱，干姜（炒）五分，桃仁五分，甘草（炒）五分。水一盞，童便一盞煎服。若恶血已尽，腹疼已止，减去桃仁，再多服数剂更妙。

产后心疼海上方

产后妇人心气疼，叫声切切手磨拈，
酒调鸡子空心服，一夜能教肃静眠。

产后血不止海上方

妇人产后血难止，诸药无如百草霜，
为末酒调乘暖服，明朝立见保平康。

通脉汤 治乳少无乳者。

黄芪（生用）一两，当归五钱，七孔猪蹄一对，煮汤，吹去浮油，煎药一碗，服之覆面睡，即有乳。或未效，再一服，无不通矣。

乳少海上方

妇人乳少听吾言，只用川山甲五钱，
研碎米汁连夜饮，乳流恰似井中泉。

失笑散 治产后心腹刺痛欲死，或血迷心窍不省人事。

五灵脂（炒）、蒲黄等分，每服三钱，煎服。

又方 独圣散 南山楂肉一两，水煎，用童便、沙糖和服。

逍遥散加减 治妇人昼夜虚热，脉微细。

地骨皮二钱，甘草二钱，黄芩三钱，川芎二钱，北柴胡

四钱，香附二钱，淡竹叶十片，煎服。

柴胡散 治寒热往来，此阴阳相胜，阴胜则寒，阳胜则热，或是胎前杂病，但服此方，如烧汤泼雪。

北柴胡、黄芩、甘草各三钱，地骨皮一钱，荆芥二钱，肉桂一钱，水煎服。如不愈，再服小柴胡汤三五帖立愈（方见感冒门）

五灵散 治赤白带下。

五灵脂（半生半炒），为末，酒服。

如圣散 治崩漏不止。

棕榈（烧灰）二两，乌梅二两，黑姜二两，为末，每服二钱，以乌梅汤送下。

治妇人乳少 猪蹄一双，通草一两，煮食，乳汁自下。

吐血门

四生丸 治吐血衄血热妄行。

生荷叶、生艾叶、侧柏叶、生地黄各等分。

犀角地黄汤 治血积胸中，吐血衄血。

犀角、赤芍、牡丹皮、生地各等分，水煎服。此方若有痰及气逆不降者，服之皆不效。每用加枳壳、桃仁、滑石即效。

治有火吐血 大黄末一钱，生地黄汁一合，煎四五沸，服即愈。

龙肝膏 治吐血不止。

伏龙肝一两，生地汁、麦冬汁、小蓟汁、藕汁各三合，姜汁一合，入蜜半匙，熬膏，每服一匙。

奇方 治肺损嗽血、吐血。

生地四钱，鹿角胶一钱，加童便，姜汁少许。

辰胶散 治大人小人吐血。

阿胶一两，蛤粉一两，辰砂（少许），藕节汁和蜜调下，食后服。

双荷散 治卒暴吐血。

藕节七个，荷叶顶七个，煎服，加蜜少许。

天门冬汤 治思虑伤心，吐衄不止。

天门冬、白芍、麦冬（去心）、生地，远志（去骨）、藕节、黄芪、阿胶、没药、当归、甘草、人参各一钱五分，生姜三片，煎服。如阴虚火动咳血等症，知柏六味丸加減最效。

肺伤吐血，并治呕血咯血。 白芨（为末），每服二钱，陈酒调服。

经验方 治咳嗽甚者或有吐血。

鲜桑白皮，米汁浸刮，去黄皮，入锅①米四两，焙干捣为末，米饮调下。

款花补肺汤 人参、麦冬各一钱二分，五味子十五粒、款冬花、紫苑、桑白皮各一钱，当归，白芍、知母、贝母、茯苓、橘红各八分，甘草五分。

治下血不止 木贼一两，水煎，空心服。

治肠风下血 椿根皮一两，好酒浓煎，服即愈。

又方 马鞭草，捣自然汁，服良。

又方 直姜蚕、乌梅肉各一两，焙干为丸，每服二钱。

治便血神效 白芷二钱，五倍子二钱，为末，米汤下，未愈再服。

竹茹汤 治妇人汗血、吐血、尿血、下血。

①梨：原文作梨。

竹茹、熟地各二钱，人参、白芍、桔梗、川芎、当归、甘草、桂心各一钱。

治房事劳伤，小便出血。 山药一两，鹿角五分，发灰二钱，为末，苧根汁为丸，白汤吞下。

葛氏方 治小便出血。

当归四钱，酒一碗，煎服。

小便下血立效方 旱莲草，车前子，取汁，每日空心温服一杯。

小便出血痛不可忍 淡豆豉一撮，水煎，服之奇效。

犀角地黄汤 治上焦有热，口舌生疮，发热，或血妄行或吐衄或下血。

犀角、生地、白芍、黄芩、牡丹皮、黄连（炒）各一钱，水煎服。因怒而患者加柴胡、山梔。

清凉甘露饮 治脾胃积火，口舌生疮，长若蚕丝，坚硬疼痛。

麦冬、茵陈蒿、黄芩、生地、枳壳、银柴胡、犀角、知母、石斛、枇杷叶、甘草各一钱，灯芯五十寸，竹叶二十片为引。

治口疮神效方 黄连一钱，干姜五分，细辛一钱，共为细末，敷上良久，以凉水嗽之即愈。

宁嗽膏 治阴虚咳嗽火动发热，咯血吐血。

天门冬、麦门冬、杏仁、贝母、百部、百合、款冬花、紫苑、白术、阿胶、化橘皮。等分，饴糖、白蜜为丸，每服四钱。

噤化丸 治五劳七伤，吐衄、吐血、吐痰、喘急。

甜梨汁、白萝卜汁、生姜汁、藕汁、白糖、陈皮、款冬花、紫苑、桔梗，各等分，加五味少许，入人参一钱，熬膏

为丸，每晚噙化二三丸，其效如神。

小 儿 门

治小儿夜啼不止 将朱砂书甲寅二字贴床头上即止。

掩脐法 治小儿大便不通。

取连根葱白一茎，生姜一块，淡豆豉三十粒，盐一小匙，同研烂，作饼，烘热，用绵帛扎定，贴脐中，良久，气透自通，不通再易一饼，立效。

青蒿散 治小儿肌热，潮热。

青蒿一钱，甘草八分，乌梅一个，小麦五十粒，水煎服。

清上散 治小儿胎热，眼睛肿赤，粪色稠黄，肚热啼哭及身上红肿，或头顶疮疖，耳出脓汁，皆胎毒也。

川郁金、甘草、桔梗、天花粉、干葛、薄荷各等分，为末，入蜜拌匀，白汤下。每服一钱，再用艾叶煎汤浸洗两足底，以引热下行。

六和汤 治小儿吐泻霍乱。

砂仁，半夏，杏仁，人参，甘草，赤茯苓，藿香，扁豆，木瓜，陈皮。为末，每服三钱，生姜引。

百一选方治噤口痢 莲肉去壳，留心，研为末，每服一钱，陈米汤调下。

清六丸 治血痢、小便短少及泄泻，此方专治清六腑湿热，故名清六。内用红曲者以其能消食积而化淋血也。

白滑石（飞过）六两，炙甘草一两，红曲（炒）五钱，滴水为丸，灯芯汤下，立效。

清心丸 治耳出红脓，名脓耳，及舌上生疮如杨梅状者。

黄连（酒炒）三钱，滑石（飞过）六钱，甘草一钱，辰砂（飞细）一钱，薄荷六分，犀角二钱。为末，蜜拌，薄荷汤下。

千金方治小儿重舌 竹沥青，黄柏末，二味和匀，点舌即愈。

小儿走马疳者，气虚湿热也，服立效散。 青黛，黄柏，枯砂，五倍子末，上研细末，用米汁水先嗽口，内搽点患处。

专治小儿鼻疮 泽泻散

泽泻、郁金、小梔仁、甘草各一钱，上药为末，用甘草煎汤送服。

治阴肿疝气名为寒所郁也（秘方治小儿偏坠，气痛）

五倍子烧灰存性，为末，以好酒调服，出汗立愈。

又方 治小儿外肾肿大。

牡蛎粉不拘多少，为末，用鸡子清调涂即消。

对脐散 治小儿脐中出汁。

黄丹，枯矾，等分，为末，敷上即干。

又方 蜜佗僧（炒），贝母，桑螵蛸（焙），为末，擦之。

治小儿暑月水泄，小便赤涩。

猪苓一钱，赤苓一钱，泽泻一钱，木瓜五分，白术六分，木通八分，车前子八分，灯芯一团，水煎服即愈。

小儿吐泻 大花香薷一钱，白扁豆二钱（炒），厚朴一钱（炒），水煎。调益元散二匙，立效。

消食丸 治小儿时常伤食，皮黄肌瘦，肚腹胀大。

莲肉、山药、云苓、神曲、麦芽、扁豆各等分，研末，调服或蜜丸常服更佳。

小儿水泄不止 用益元散一钱，加白术末八分，调服立效。

小儿痢疾不问红白皆可用之 老生姜三钱，细陈茶三钱，用新汲水煎服。

又方 细茶，乌梅，用蜜丸温水调服。

治痢神效方 黄连一钱，木香二分，为末，水调服。

小儿重舌海上方

小儿重舌最难疗，锈锁将来火内烧，
打落屑儿为细末，水调吃下即时消。

治小儿牙疳方 黄连一两，硼砂一钱，胆矾一钱，冰片五厘，共为细末，擦之。

治小儿口噤不乳方 蝉退（去嘴、足）十四个，全蝎（炒一个去毒），共为细末，调乳服。

小儿夜啼海上方

小儿夜啼最堪怜，彻夜不眠苦熬煎，
牛甲末儿脐上贴，清清悄悄安自然。
小儿夜哭不能眠，收拾灯花四五圆，
捻烂灯芯汤化下，一夜清静到明天。

又方 灯芯烧灰，涂乳头，令吮下即止。

治小儿因寒吐泻方 小丁香一钱，陈皮一钱，水煎，温服。

小儿惊风海上方

急惊风与慢惊风，夺命方知大有功，
水磨少许青礞石，调下痰涎立便通。

又秘方 用蜂蜜擦大人手掌内，少用滚水溶开，在小儿背心上摩擦。轻重得宜，渐渐吸出黑毛，即用钳拔出。再用蜜擦。毛出，再拔。至久以毛不出为度，其惊风不药自止，

此屡验目睹者。

治慢惊风心得神方 慢惊之症，缘小儿吐泻得之为最多，或久疟或久痢或痘后疹后，或因风寒饮食积滞，过用攻伐伤脾；或禀赋本虚或误服凉药；或因急惊而用药攻降太甚，或失于调理皆可致此症也。其症神昏气喘或大热不退，眼开惊搐，或乍寒乍热，或三阳晦暗，或面色淡白青黄，或大小便清白，或口唇开裂出血而口中气冷，或泻痢冷汗，或完谷不化，或四肢冰冷并腹中气响，喉内痰鸣，角弓反张，目光昏暗，此虚症也，亦危症也。俗名谓之天下吊风、虚风，慢惊风，慢脾风，皆此症也。若再用寒凉，再用消导，或用胆星抱龙以除痰，或用天麻全蝎以驱风，或用知柏芩连以清火，或用巴豆太黄以去积，杀人如反掌，实可畏也。若治风而风无可治，治惊而惊无可治，此实脾肾虚寒，孤阳外越，元气无根，虚寒至极，风之所以由所动也。治宜先用辛热，再加温补，盖补土即所以救木，治本所以治标。凡小儿一经吐泻交作，即是至危之症，若其屡作不休，无论痘后疹后病后，不拘何因，皆宜急用参术以救胃气，姜、桂、参、熟地等药以救肾气。不准伤食，宜急救之。即伤寒伤暑亦当急救之。盖其先，虽有寒暑实邪，一经吐泻业已全除。脾胃空虚，仓廩空乏，若不急救恐虚痰泛上，命在顷刻矣。庸医见之，皆误指为热为食，投以清火去积凉药，立时告变，为之奈何。与其失之寒凉断难生活，何若失之温补，犹可救疗。此语发明吐泻惊风之理，最为明透。后之君子，慎无忽诸。今将慢惊辨证，臚列于后：

慢惊吐泻脾胃虚寒也。慢惊，身冷，阳气抑遏不出也（服凉药后往往致此）。慢惊，鼻孔煽动，真阳失守，虚火烁肺也。慢惊，面色青黄带白，气血两虚也。慢惊，口鼻中

气冷，中寒也。慢惊，大小便清白，肾与大肠全无火也。慢惊，昏睡露睛，神气不足也。慢惊，手足抽掣，血不行于四肢也。慢惊，角弓反张，血虚筋极也。慢惊，乍热乍凉，阴血虚少，阴阳错乱也。慢惊，汗出如洗，阳虚而表不固也。慢惊，手足痿痹，血不足以养筋也。慢惊，囟门下陷，虚极至也。

慢惊，身虽发热，口唇焦裂出血，却不喜欢饮冷茶冷水，进以凉药愈增危笃。以及所吐之乳，所泄之物，皆不甚消化。脾胃无火可知唇之焦裂，乃真阴之不足也明矣。大凡阴症发热不退，及吐泄而成者，总属阴虚阳越，必成慢惊。并非感冒风寒发热可比，故不宜发散，治宜培元救本，加姜桂以引火归元，必出用辛热冲开寒痰，再进温补，方为得法，经验二方列后。

逐寒荡惊汤 此方药性温暖，专治小儿气体本虚，或久病不愈，或痘后疹后，或误服寒凉，泄泻呕吐转为慢惊，清热散风愈治愈危。速宜服此，能冲开寒痰，宽利胸膈，止呕吐，荡惊邪。所谓回元气于无何有之乡，一二剂后呕吐渐止。即其验也认明。但系虚寒即宜服之，不必疑畏也。

胡椒一钱，炮姜、肉桂各一钱，丁香十粒。上四味研为细末，用灶心土三两煮水，澄清煎药大半茶杯，频频灌之，接服后方，定获奇效。

加味理中汤 此方助气补血，却病回阳，专治小儿精神已亏，气血大坏，形状狼狈，瘦弱至极皆可挽回之。如法浓煎，频频与服有参天救本之功，难以尽述者。

熟地五钱，当归二钱，萸肉一钱，枸杞二钱，枣仁（炒研）二钱，肉桂一钱，故纸二钱，炙芪二钱，白术三钱，炮姜一钱，人参二钱，炙草一钱，加生姜三片，红枣三枚，胡

桃二个，打碎为引，仍用灶心土二两煮水煎药取浓汁一杯，加附子五分煮水掺入，凉儿大小分数次灌之。如咳嗽不止者加栗壳一钱，金樱子一钱。如大热不退加白芍一钱。泄泻不止加丁香六分，只服一剂即去附子，只用丁香七粒。隔二三日，只用附子二三分，盖因附子大热，中病即宜去之。如用附子太多，则小便闭塞不通。如不用附子，则沉寒脏腑，固结不开。如不用丁香，则泄泻不止。若小儿虚寒至极，附子又不妨用至一二钱，此所谓神明而明之，存乎其人，用者审之。此方乃救阴固本之要药。

专治小儿慢惊神剂 若小儿吐泻不止已甚，或微见惊抽，胃中尚可受药，吃乳便利者，并不必服逐寒荡惊汤，只服此药一剂，而风定神清矣。如小儿尚未成惊，不过昏睡发热不退，或时热时止，或日间安静，夜间发热，以及午后发热等症，总属阴虚，均宜服之。若新病壮实之小儿，眼红口渴者，乃实火之症，方可暂行清解，如果实系实火，必大便闭结，气壮声洪，且喜多饮冷茶冷水。若吐泻交作则非实火可知矣。此方专补造化阴阳不足，实回生起死大有神功。尚大虚之后，服一剂不效，必须大剂多服为妙。此方专以温补见长，小儿既成慢惊症，必于前开条目内有数处相合者，即放心照方服药，勿谓此书与古方清热散风之药不同，仍沿用古方以自误也。

此方凡鹿茸、人参等类贵重难觅之药，悉不开入，恐穷乡僻壤及无力之家不能觅购。虽有对症良方，亦束手无策也。此方内之药，随处皆有，无论富贵贫贱皆力所易为，但必须另包过戥，如法炮制，方可取效。近代所卖之抱龙牛黄丸皆清热化痰之药，急惊最为对症。若慢惊之甚者，下咽即死。急惊与慢惊全属相反，急惊之症，小儿气体壮实，前数

目发热，今口鼻中气热，大便结，小便臊，忽而惊风大作，喉中多有热痰，用抱龙牛黄等丸下咽即醒。再用清热消导之药，一剂而安。本欲附方于此，恐治慢惊者先用，治急惊之方则为害匪小。是以姑述其由而方不叙入。慢惊总是病后气血不足，虚极生风，非脾肾两补，姜桂同进如何能愈？姜桂附子乃此方中之用神，减去则无效。肉桂好者难得，薄桂藜桂，但有油者皆可用之。所以本草备要云：肉桂有油者俱佳，无所分别也。慢惊之轻者，理中地黄汤内，多用姜桂亦可治愈。若虚寒至极者，非用附子不可。但附子性热，人多畏之。本草附子下注明治慢惊字样，可见温补二字委系治慢惊秘诀无所疑也。立此二方以治慢惊明言，慢惊属虚寒，温补即所以治慢惊。急惊属实热，清热即所以治急惊。二症虽有寒热之殊，用药有云泥之异。古人每以一方治二病，未究有其治病之根源，深不可信。孟子云：盖信书则不如无书，此之谓也。近代医家皆云：慢惊一症，先须驱风化痰镇惊，往往用金银器煮水，仍煎发散消导之药，愈治愈危，未闻治愈一人，良可叹也。此方乃独得之奇，实发古人未传之秘。凡小儿久病不愈、清病之后，均能转为慢惊，真得之最易，而医之最难。世之人但知清热散风，不知温补气血，间有一二高明者，见及慢惊是虚寒症，欲开温补药方，又因不合古书，恐招汕诱是以。慢惊竟为幼科第一危险之症！若各等医书诸子虽各执一见，议论纷陈，然失之于此者仍得之于彼，惟慢惊一症与各书不同，屡试屡验真心得神效也。

治小儿瘟疫积热不解 用菖蒲煎汤浴之。

治小儿水泻不止方 用柿饼烧熟食之。

又方 用五倍子为末，陈醋调稀，熬膏贴脐上。

又方 用熟地黄二两，捣烂遍小儿脚心五钱即止。

治小儿脐风方 用艾叶烧灰，存性，填满脐中，以绢绢包定即愈。

又方 用大蒜切片，贴脐上，以艾灸之，若口有艾气自愈。

治小儿虫积方 用榧子二三斤，陆续吃完，即愈。

小儿喘嗽海上方

咳嗽小儿多气喘，石膏火内漫飞煨，

研为细末蜜汤调，一夜分明减一半。

小儿撮口海上方

撮口脐风总一般，十儿难得两三安，

快觅僵蚕为细末，蜜调涂向口中餐。

小儿疟疾海上方

幼小孩儿抱疟疾，乌猫取粪最相宜，

桃仁七个同煎服，病前一盏见良医。

小儿骨痛海上方

小儿骨痛不能言，出血流脓实可怜，

寻取水蛇皮一个，烧灰油拌贴疼边。

治小儿外肾肿大方 用牡蛎不拘多少，为末，鸡蛋调涂，即消。

镇心方 治惊常服安心镇惊汤。

桔梗、山药、山梔、甘草各等分，为末蜜丸，金银箔为衣。每服一丸，薄荷汤下。

又和中汤 和胃气，止吐泻。

茯苓、莲肉各二钱，藿香、天麻、人参、扁豆、木香、白术、甘草各一钱。为末，每服二三钱，姜、枣煎服。

胃中夹食 藿香正气散，大人小儿皆可施用。

苏叶，白芷，藿香，半夏，陈皮，茯苓，大腹皮，甘

草，厚朴，桔梗。

牙疳散 治小儿牙疳如神。

冰片（少许），绿矾、人中白（煨、存性）、五倍子（炒黑）各等分。研极细末，先用水拭净牙齿，再以此散敷之，有虫者加槟榔。

暑气抽掣似风惊，烦渴热汗便黄红。先用加味香薷饮，继用玉露散即宁。

加味香薷饮 香薷、黄连、扁豆、厚朴、羌活各等分，引用灯芯，煎服。

玉露散 寒水石一两，石膏一两，甘草三钱。上为末，量儿大小，温汤调服。

小儿肺寒咳嗽，圣惠橘皮散。

肺虚饮冷至咳嗽，面色晄白痰涕清，

圣惠橘皮宜初进，补肺阿胶久嗽宁。

人参，杏仁，贝母，苏叶，陈皮，桔梗，红枣，水煎。

肺热咳嗽，加味泻白散。 火嗽面赤，咽干燥，痰黄气秽，带稠粘便，饮加味泻白散，便硬加味凉膈煎。

桑皮、地骨皮、甘草、麦冬（去心）、川贝、桔梗、知母、黄芩、薄荷各等分，水煎。

小儿脱衣，偶为风寒所乘。 肺先受邪，使气上逆，冲塞咽膈，发为咳嗽，嚏喷流涕，鼻塞声重，频吐痰涎，以参苏饮立效。

苏叶、半夏、甘草、前胡、干葛、陈皮、枳壳，赤茯苓、桔梗、各等分。一钱，煎服。

治小儿初生热毒，粪门肿烂，腿股肿烂。 寒水石二钱，生石膏一钱，黄柏一钱，甘草五分，研末，掺之即愈。

蝉退钩藤饮 治小儿肚痛惊啼。

钩藤、芍药、甘草、蝉退各一钱，天麻六分，茯苓二钱，川芎八分，上加灯芯，煎服。

二豆饮 治小儿出天花，时气天行痘症宜预服此。

小黑豆升半，绿豆升半，淘赤小豆二两，甘草节二两，每日水煮，任意饮汁食豆，痘自不发，虽出，亦必稀少。

稀豆神方 金银花一斤，甘草四两，熬白糖加入和匀成膏，每日早晚一二匙，解一切毒。

疔 疮 门

疔疮初起如芥（形如粉刺或小泡，坚硬如钉，故名曰疔）大凡肉色红肿，根脚不散者吉。若平塌漫肿，四周灰白者凶。其状不一，其色不同，有红、紫、黄、白、黑之五种，以应五脏。若生两足，多有红丝至脐。生两手，多有红丝至心。生唇面，多有红丝入喉。俱难治，速宜针刺红丝出血，有多生者。若患在肢末之处，毒愈凝滞，药难导达。艾灸之功大，内服菊花甘草汤至效，如妄用疏利之剂耗损真气，不惟无以去毒，而害反随之矣。

菊花甘草汤 治疗疮之仙药也。

白菊花、甘草各四两，水煎，顿服。渣随即再煎服，重者不过二剂即消。至稳至效，一切消疔药皆不及此。

无名肿毒 大黄、黄芩、黄柏各三两，陈小粉（炒黑）二两，共研，醋调敷。

治肿毒初起方：用浮萍捣，敷之。

治一切疮肿方 用芙蓉花叶，菊花叶，同煎水，频频洗之。

治一切疮毒红肿不出头者 用黄葵花子，研一粒，酒

服，则出头。

又方 用蚕茧一个，烧灰存性，黄酒下。

治一切肿毒方 用赤小豆磨为末，鸡蛋清调涂神效。

治疗疮奇方 取菊花叶，捣汁一酒杯，用热烧酒冲服，取醉而睡，将渣敷患处即愈。若轻者用煤炭研末，水调敷即愈。

铁箍散 治一切无名肿毒及有名痈疽，无不神效。

用赤小豆从苧麻汁浸洗过，加水芙蓉叶同捣烂遏之。

又方 用取独蒜，用唾拌多人践踏泥地土，磨浓，涂患处周围立效，亦名铁箍散。

疗疮多生四肢，发黄，疮中或紫黑，必先痒，后痛，先寒后热也。

夫疗疮者，皆脏腑积受热毒，邪气相搏于经络之间，以至血凝滞，注于毛孔，手足，头面，各随五脏部分而发也。其形如粟米，或痛或痒，以致遍身麻木，头眩寒热，时生呕逆。甚则四肢沉重，心惊眼花。盖疗疮初发时突起如疔，盖故谓之疔。含蓄毒气，突出寸许，痛痒异常，一二日间害人甚速，是尤在痈疽之上也。丙经以白疔发于右鼻，赤疔发于舌根，黄疔发于口唇，黑疔发于耳前，青疔发于目下，盖取五色之应，五脏各有所属部位而已。然或肩或腰或足，发于无定处。如在手足、头面及骨节间者最急，其余犹缓也。凡疗疮皆宜刺疮中心至痛处，又刺四边十余刺，令恶出血，乃敷药，药力方得入于针孔中则佳，若不刺破，药力不能入。又看口中，颊边，舌上，有赤黑如珠子者是也。诸疔名目虽多，其治法略同，初起宜以针刺刺出血，将蟾酥丸或迴疔锭子之类，从针孔纫入之上，用膏药贴之，仍服飞龙夺命丹发汗及五香连翘漏芦汤之类，并清心之剂。盖诸疮皆

属心火，心清则毒气消散，而易愈矣。

追毒丹 取黄去疔头，追脓毒立效。

蟾酥（用酒化）、蜈蚣（酒炙）、礞砂、白丁香各一钱（无此味加巴豆），雄黄二钱，轻粉一钱，朱砂（为衣），巴豆。（不去油、去壳）七粒。上为末，用酒打糊为丸麦子大，两头尖，入于针破口肉，用水沉膏药贴之。后用膏药及生肌追出脓血毒物，又加于黑陷漏疮者四周，死败肉不去，不生肌者，不可治也。亦用此药追毒去死肌败肉，生新肉愈矣。小者用一粒，大者加用之。病轻者不必用针，只以手指甲爬动于疮顶上，安此药，水沉膏药贴之，其疮即时红肿为度，去其败肉为妙，用之如神。

水沉膏 将白芨末放于盏内，用水沉下去，用纸贴之。如用膏不可用生肌药，凡用拈点之药用此膏围贴，则不伤好肉。

追疔夺命丹 能立取效验，使肿内消。

羌活、独活、青皮（君）、防风（君）、黄连，赤芍、细辛、甘草节、蝉退、姜虫、金线重楼、泽兰、金银花各等分。有脓加何首乌、白芷，要通利加青木香，黄梔子，牵牛。毒在下加木瓜各等分。上每服五钱，先将一贴加泽兰、金银各一两，生姜十片同药捣烂，好酒旋之热服。不善酒者，水煎，仍以酒、水各一盞半，生姜十片煎致服之热汗出为度，病退再加大黄二钱，煎熟取利一两，次去余毒为妙。此方以药味观之，甚若不切。然效速如神方，百不失一，百发百中。如有别证再出，宜随加減治之。若心烦呕吐，加甘草节一钱，绿豆粉一钱，酸浆水下。呕逆恶心加乳香、豆粉，甘草汤下。

飞龙夺命丹 治疗疮发背，脑疽乳痛，附骨疽，一切无

头肿毒恶疮，服之便有头，不痛者服之便痛，已成者服之立愈。此乃恶症药中至宝，危者服之立安。万无一失，系神人之秘方，不可轻忽。

血竭一钱，蟾酥（干者二钱，酒化）、乳香、没药、铜汞、朱砂（为衣）各二钱，雄黄三钱，轻粉三钱，胆矾、寒水石各一钱，麝香、冰片各五分，海羊（即蜗牛）二十条，蜈蚣（酒炙、去头足）一条，上为末，先将海羊连壳研如泥，和前药为丸绿豆大，或加酒打面糊，每服二丸，先用葱白三寸，烂嚼吐于手心，男左女右，将药包在葱内，无灰酒三四盏送下，避风处，被盖出汗，约人行五里许，再以热酒数杯催之，以汗出为度。服前药二丸即消，如汗不出，重者再服二丸，汗出即效。三五日，重者再进二丸即愈。如疔走黄过心者难治，汗出冷者亦死。如病人不能嚼葱，捣碎裹药以热酒吞下。服此药后忌服冷水冷物，黄瓜茄子，猪鱼鸡鹅羊，湿面，一切发毒动风之物不可食，及月妇狐臭人见之，此药活人万万，诚外科匙钥。

拔黄药 用真取蟾酥，飞箩面为丸，梧子大，可将一丸放在面前，舌下即时黄出。

百二散（又名护心汤） 治发疔烦燥，手足不住发狂者，急宜服之。方在痈疽门。

蟾酥膏 治疗。

新蟾酥以白面、黄丹搜作剂，圆如麦颗大，用指甲爬动疮上插入，重者针破疮头，用一粒内，仍以水沉膏贴。

回疮锭子 草乌头一两，蟾酥，巴豆（去皮）七个，麝香一厘，上药研为细末，面糊和就捏成锭子，如有恶疮透疔，不痛无血者，用针刺深至痛处，有血出，以此推之，上用膏贴疔疮，四畔推之，其疮二三日自然拔出，此药最宜紧

用。此疽大抵与伤寒颇类，其中亦有可针镰砭射出血者，亦有久而败烂出脓者，其间变易百端，不可不慎也。

内托连翘散 疔疮出时皮色不变，不疼痛，按之不动，身发寒热，便是此疮。有水疔、鱼脐疔、紫燕疔、火疔诸般疔疮。如疮黄，于黄上用针刺，内服内托散，自然消散。

连翘、生地、白芷、赤芍各一两，大黄、山梔（去顶蒂）、薄荷各七钱，朴硝二两，黄芩五钱，甘草一两半，每服一两，灯蕊、竹叶各十茎，水煎服。其人喘，加人参少许，大病只三四服愈。如服下心烦呕者，以护心散止之。

护心散 甘草五钱，绿豆粉一两，为末，分作二次，酸韭水下。

治无名肿毒神效方 用菊花捣烂，熟黄酒冲服，再用漚鸡粪调敷患处，如冬日元菊花，用根亦可，立愈。

治口疮方 青黛三钱，薄荷四钱，冰片二分，孩儿茶三分，为末，吹疮上良久，用凉水嗽之。

治无名肿毒、发背、痈疽、疔疮等毒。 白矾，不拘多少，为末，入新汲水内，用粗纸三张浸，将一张搭患处，频频贴之，更贴十数次立消。

又方 用葱头捣烂，炒热，敷患处，冷则换之，神效。

又方 用五倍子，炒为末，醋调，敷患处。

又方 用大黄为末，醋调，敷患处。

治唇上生疔疮毒 大腿弯中紫筋上，用银针刺出血，即愈。有一人不知疔在何处，但唇内痒极，须臾半面肿硬，痛甚，按方用针刺之，立效。并用葱白七个，蜂蜜二两同捣敷。

治鱼口便疮方 用猪胆一个，投热酒冲水一碗，温服即内消。

杖后溃烂久不愈者（此血气虚也） 台党参、白术、茯苓、当归、白芍、陈皮、熟地、香附、贝母、桔梗、甘草各等分。

治阴头上疔疮方 五倍子一钱七分，朱砂七分，儿茶半分，水银一分，轻粉二钱半，研末，敷患处。

治一切疔疮恶毒肿痛立愈如神 类圣散 川乌，草乌，苍术，细辛，白芷，薄荷，防风，甘草。上药共为末，鸡蛋清调敷患处，留顶。

敛痛止痛生肌散 官粉，黄柏，黄连，乳香，没药。上药为末，擦疮上，并治黄水热泡等疮。

专治红丝穿心方 红丝疔多从大拇指作痒，初起只觉一点，渐变红细一条，赤色笔直者，急用妇人油头绳绕扎红细丝尽头，勿使延及心胸，以致绝命。再用金针挑破红丝头，银针亦可。令出净恶血，后用菊花叶一味，捣烂涂疔上，每日一换，或上下昼一换，则渐渐而愈。

又方 用鸭蛋一枚，破一孔如钱大，倾出少许，加生半夏末，用筴搅匀，套入患指上，二三次即愈。如疔上作泡，急用金银针挑出浮水，更用竹花叶，捣烂涂之。

立时拔疔方 试疔以生豆口嚼之，口无豆味即是生疔，否则非疔也。用蓖麻子一粒，去油，滴乳香一分油，共研或软饭或枣肉为末，放疔上，外将膏药贴之，一二时即拔其根，甚妙。

治痈疽脓肿方 取扶桑叶或花，同牛蒡叶，白芙蓉叶，白蜜研膏，敷之即散。

治乳上生疽方 用芝麻炒焦，捣烂以灯盏内油脚和匀敷之。

治一切痈疽方 用莼菜捣烂敷之，未成即消，已成即

毒，故春夏用茎，冬用子，叶亦可。

治療疔潰烂方 桑黄蕪五钱，小红豆一两，百草霜三钱，青苔二钱，片脑一分，上为末，鸡子大调敷，以车前子、艾叶、桑皮煎汤洗之。

加味逍遥散 治肝经郁火，颈生瘰疬并胸肋胀痛，或作寒热，甚至肝火生火，眩暈振摇，或咬牙发痉。诸症木郁达之是已。

柴胡、茯苓、当归、白术、甘草、白芍、丹皮、黑山栀各一钱，薄荷五分，水煎服。

治療疔结核方 用冬桑叶晒干，为末，红砂糖调服，食二三两即愈。

又方 用麻油灯蕊，头后发际中正灸七壮，即愈。

治结核方 用生萝卜皮贴之，若不消，连贴数块即愈。

呕 吐 霍 乱 门

治呕吐霍乱方 用绿豆粉、白糖各二两，以新汲水调服则愈，并可治痢。

仲景陈皮汤 治干呕，手足厥者，宜辛散。橘红四钱，生姜八钱。

治暴急霍乱吐泻方 陈皮五钱，藿香五钱，用黄土澄水二钟，煎一钟，服之立效。

生姜半夏汤 治有寒，干呕，吐逆涎沫。

法半夏（制）三钱，干姜二钱。

加减二陈汤 治痰为患，呕哕头眩心悸、发寒热或脾胃不和。

丁香一钱，半夏四钱，陈皮三钱，茯苓四钱，甘草钱半，生姜三片，乌梅一个，煎服。治痰痞加草薢一钱。

姜附散 治气隔不通，胸膈间结块，大如拳，坚如石，呕吐恶心，饮食不下。

香附一两，生姜三两，捣生姜汁，浸香附一宿，晒干并浸姜尽为度，每服二钱，米汤送下。

治气噎不下 枇杷叶、青皮、陈皮上等分，生姜五片，水煎服。

治干霍乱方 并可治中风、中痰、中气等症。

用生姜自然汁一钟，童便一钟，和匀灌下。

治干霍乱出汁，腹痛吐泻不止，危在顷刻。 用食盐一两，生姜五钱切片，同炒色变，以水一碗煎服，不宜热服，愈后不可吃饮食。

又方 用炒食盐一两，猪牙皂莢一钱，煎水服，吐出即效。

槟榔散 治呕吐。

白花榔槟二钱，橘皮二钱半，煎服即效。

藿香平胃散 治呕吐不止。

藿香二钱，厚朴三钱，半夏二钱，甘草二钱，陈皮二钱，苍术（净）三钱，生姜三片，枣三枚。煎服，即效。

和中汤 治呕吐不止，饮食不下。

藿香梗、白术各一钱，陈皮、半夏、茯苓各八分，黄连（土炒）、黄芩（土炒）、山栀（姜炒）各一钱，砂仁三分，甘草二分，生姜三片。长流水和胶泥澄清二杯，煎好，稍冷顿频服。

二香散 治暑湿相搏，霍乱转筋，烦燥闷乱，发热无汗者皆治之。

藿香、白术、厚朴、橘红、茯苓、半夏、紫苏、桔梗、白芷、香薷、黄连（姜汁炒）、扁豆各一钱，大腹皮、甘草

各五分。水二杯，姜五片，葱白三根，煎一杯服。

香薷散 治霍乱诸症。

厚朴一两，黄连一两（姜炒），香薷三两，甘草五钱。每服五钱，为末，不犯铁器，水沉冷服。

七气汤 治七情郁结，霍乱吐泻。

半夏、厚朴、白芍、茯苓各二钱，桂心、紫苏、橘红、人参各一钱，生姜七片，红枣一枚煎服。

六和汤 治霍乱诸症中暑恶心。

香薷二钱，砂仁，半夏、杏仁、人参、甘草各五分，藿香、赤茯苓、白扁豆、厚朴、木瓜各一钱。

理中汤 治干霍乱，心腹饱胀绞痛，不吐不泻，脉沉危欲绝，最为要症，亦治伤暑立效。

藿香、苍术、厚朴、砂仁、香附、木香、枳壳、陈皮各一钱，甘草、干姜、官桂各五分，上锉一剂，生姜三片，水磨木香夏调服。夏月干霍乱不吐不泻，胸腹绞痛，烦渴自汗不可用姜桂。心腹绞痛，面唇青，手足冷，脉危欲绝加附子、茴香去苍术。心腹饱闷，硬痛结实者加榔槟、枳壳、山楂、瓜蒌、萝卜子去甘草、枳壳、苍术。胃气呕秽发呃加丁香、茴香、良姜、香附、去官桂、甘草、苍术。虚汗，加附子去苍术，外用炒生姜渣揉法，急用盐汤探吐得物出好，及刺委中穴，血出甚妙。

藿苓汤 治外感风寒，内伤饮食，霍乱转筋吐泻。

藿香、厚朴、白术、茯苓、甘草、大腹皮、紫苏、白芷、桔梗、半夏、陈皮、肉桂（少许）、猪苓、泽泻各等分，生姜五片，水煎服。

仲景云：转筋之为病，其臂脚直脚上下行，脉微弦，转筋入腹者鸡屎白主之。鸡屎白炒为末，水煎服立效。

秘方

脚转筋无时不好 猪阴茎一条全者，薄切，香油煎熟，细嚼，盐水送下，空心服，连进三朝奇验。

春冬便方 春冬并初夏、深秋之时，多有头疼发热，作寒，呕吐，霍乱，腹痛，胀满，胸膈不舒，或伤风咳嗽多痰，或有汗无汗等症。

今录古方极验。鲜生姜一钱，陈茶叶一钱，大红枣三枚，干紫苏一钱，水二大钟，煎服。

绞肠霍乱 白矾二钱，饭和为丸，即止。

干霍乱 凡霍乱胀满，上不得吐，下不得泻，名曰干霍乱，亦名绞肠沙。小蒜一升，水二升，煮一升，炖服，或干黄土地掘深三尺，以新汲水投之，搅浊，稍澄，连服三五杯即愈。忌米汤。

参胡三白汤 人参、柴胡、白术、白茯苓、白芍、当归、陈皮、麦冬、五味、山梔、甘草各五分，乌梅一个，枣一枚，灯草一团，水煎服。

干霍乱不得吐者 用淡汤一碗，入皂角末三分，盐一撮，调服探吐，立愈。忌米汤。

治霍乱吐泻 干姜三分，胡椒三分，胡黄连三分，绿豆粉三钱。

中暑门

中暑救急方 凡夏月道旁，中热卒倒，就道旁挖取热土，围放脐上，众人溺尿浇①之，或温汤徐徐浇之。再用大蒜捣泥和道旁热土入童便乘温灌之，无不立活，醒后仍令其

① 浇：原文作烧，依文意改。

卧于原处，或缓缓移就温室，切不可一时仓皇即移卧阴凉冷地，或急切勿以冷水灌之，如以冷水与饮遂不可救。

又方 用大蒜一大把，道旁热黄土掺和研烂，以新汲水和之，去渣，撬开齿灌之。

治中暑迷闷方 急嚼大蒜一大瓣，冷水送下，如不能嚼，用水研灌之，路中仓皇无水，渴甚，急嚼生葱二寸许和津同咽，可抵饮水。

十味香薷饮 治伏暑身倦，神昏头重等症。

香薷、人参、陈皮、白术、茯苓、黄芪、木瓜、厚朴、扁豆、甘草各等分，一方无黄芪、陈皮、加紫苏，藿香、檀香名十味消暑饮。

益元散 治受暑热而烦闷，小便赤涩。

滑石六钱，甘草一钱，冷水调下，热甚加辰砂少许。

香薷丸 治大人小儿伤暑伏热，燥渴昏闷，目昏眩胸膈烦满一切等症。

香薷，木瓜，紫苏，藿香各一分，茯神二钱，甘草八分，檀香，丁香各二分。新汲①水煎服。（一方去檀香、丁香加扁豆山楂、枳实）

香朴饮子 人参，乌梅，茯苓，甘草，紫苏，厚朴，泽泻，香薷，半夏，扁豆，木瓜各一钱，姜三片，枣一枚，煎服

枇杷叶散 治暑毒攻心，衄血吐血，或吐或泄作渴。

香薷、厚朴、甘草、麦冬（去心）、木瓜、茅根、枇杷叶、陈皮、丁香各半钱，姜三片，煎服。

① 汲：原文作及，依文意改。

急 治 门

治暴厥方 凡人涎潮于心，卒然倒仆，可急扶入暖室中，扶策正坐，用火炭沃醋使醋气冲入鼻中，良久自省，或捣韭菜汁灌鼻，或用皂角末吹鼻，得嚏即醒。如仓卒无药，急于人中穴及两足大拇指离甲一韭叶许，各灸三五壮即活。

救冻死方 凡冬月溺水之人，及无被冻死之人，虽纤毫不省人事，但胸前有微温皆可救。倘或微笑必急掩其口，如不掩则笑不止，不可救矣。切勿令其近火，若一见火则大笑不止，不可救药。

治五绝方 治五绝者，一曰自缢，二曰墙壁压，三曰溺水，四曰魇魅，五曰冻死是也。

用生半夏末少许，吹入鼻中，再用生半夏末少许，吹入耳内，心头温者，一日犹可治。

治溺死方 急用牛一头，以腹横于牛背上，牵牛徐行，吐出腹中之水，以老姜擦牙，即活。如口噤不开者可撬开，横一筋于牙间，水即得出，仓卒无牛即以锅覆地，将溺人脐对锅脐俯卧，以手托其头，水出，即活。或俯卧凳上，将凳后脚稍高两块砖许，蘸盐擦脐上，待其水自流出或用皂角末棉裹纳下部，水出，即活，切忌火烘，逼寒气入内则不效。

治跌扑死方 急将扑人扶持如僧人打座，一人将头发扯放低，用半夏末，吹入鼻内，醒后将生姜汁和油搅①匀灌之，可以解半夏毒。

治暴死方 急烧炭一炉，以陈醋泼之，令病人鼻内闻之即活。

① 搅：原文作抖，依文意改。

又方 或以韭菜汁灌鼻中亦可。

治绞肠痧救急法 其症忽然心腹胀满，绞刺疼痛欲吐不止，欲利不利，顷刻之间忽然命绝切不可与粥食，若饮米汤下咽必死。急用炒盐、童便调和服之探吐，或十指甲后刺出血即愈。或刺委中穴在大指后内侧如韭菜叶，绞出血更妙。

又方 用透明生白矾为末，每服一钱，不拘男女，用阴阻水调吞，立时止痛，百发百中。

又方 用红腊烛一枚，滚汤冲化红皮约一钱五分，俟温吃下即愈，或用香油服一盞亦可。

又方 用苧麻绳蘸热水，先于颈项刮之，次刮两小背及手足曲湾处，务刮起红紫泡，以针刺出紫血即愈。

又方 先将两背抹下，其恶血聚指头上，以针刺其十指甲下一分半处，出血即安，

解百毒方 用甘草、绿豆水煎服。

解巴豆方 凡中此毒，口渴面赤，五心烦热，泄痢不止。用川黄连一钱，煎服即解。

解菌毒方 急掘地以冷水搅之令浊，少顷，取饮，皆得全活。此即地浆水，饮三四碗能解百毒，真神方也。

中砒霜毒身热腹痛，如不急救，肠腐胃烂决不能矣。
用生甘草、瓜蒂、人参、地榆各等分，煎服下喉即吐，再服再吐无不立愈。

又方 以白羊血灌之立解。

又方 用青筒水即粪青水灌之，立醒。

又方 急用上号洁白糖、旋花、淡竹叶、甘草各等分，研匀，冷水调灌即甦。

中恶客忤 中恶客忤者，无故忽然而病倒者是也。多受于道途，及早晚门外忽得之，卒受非节之气，令人心腹绞

痛，胀满叫唤，气冲心胃，不急治则死，磨好真陈墨一盞，热汤解服，又用盐汤探吐亦好，卒死鬼击或先病因睡卧间而绝者皆是中恶之候，若气应指，心头仍暖者，捣石菖蒲灌之立甦，如口噤须灌从鼻入。

中恶暴死 用石菖蒲为末，每用五六分，安舌底又吹两耳及鼻孔则愈。

中恶吐血 生桔梗取汁，每服一钟，三服即愈。干桔梗为末，以桔梗汤下亦可。

治痧胀方 葱白三枚，蘸盐细嚼咽下，即愈。

火汤烫伤或被火烧，肢体遍身受伤，重者火毒攻心。

黄连、花粉、元参各二钱，陈皮、桔梗、山梔各一钱半，竹叶二十片。

如遍身溃烂，先吃童便或萝卜汁一碗，可护其心，外涂白矾末和香油即愈。经霜桑叶，烧灰，香油调涂亦愈。

治蜈蚣咬伤 用大蜘蛛放伤处吸去其毒，即将蜘蛛入水中，令吐其毒，以全其命。

治绞肠痧方 用食盐一两，炒热，滚水调服，或吐或下即愈。

治中风不省人事，得病之日便进此方，免成废人。 用黄柏叶一握，葱白一握，连根细研如泥，无灰酒一大钟煎一二十沸，去渣，温服。如不饮酒，分作四五次服亦可。

开关散 此药治中风厥倒，牙关紧闭，不省人事，先用此药开关。

猪牙皂荚（去皮弦，二两，用白矾一两，入水中煮化，取出晒干为末），北细辛（去叶、土炒）五钱，二味共为细末，用少许吹鼻即醒，又用针刺十指甲，离指甲一韭菜叶许，出血为度。

急救方 凡缢从早至夜虽冷可救，从夜至早稍难，若心下温，一日以上犹可救，不得截绳，须缓缓抱解，放卧，令一人踏两肩以手提其发，常令紧不可使头垂下。一人微微捻整喉咙，以手擦胸上散动之，一人磨擦臂足屈伸之。若已僵，但渐渐强屈之。又按其腹，如此一饭久即气从口出，得呼吸眼开甦。醒后又以官桂汤及粥饮与之，令润咽喉，更令二人以笔管吹其耳内，若依此无不活者。

凡被汤火，切勿以冷水冷物及井下泥尿泥激之，其热气遇冷入之愈深。轻者挛缩，重则直逼火毒攻心而速死之矣。

一法用好杭粉为细末，同妇女所用好头油调涂之，如无，或柏子油亦可。又法用多年陈酱宽宽涂之，但愈后有黑瘢。又用刘寄奴为末，先以糯米酱鸡翎扫伤著处，后掺药末并不痛亦并无痕。火灼汤火著急以盐末掺之获肉不坏，然后用药敷之至妙。又用生大黄以米醋调敷，二日即愈。

杂 治 门

菩提丸 紫苏、甘草、扁豆（炒）、薄荷、藿香、陈皮、半夏、砂仁、麦芽、苍术、山楂、枳壳、神曲（炒）、香附、厚朴、黄芩、茯苓，以上各八两，用新鲜荷叶煮浓汁，拌透，将药晒干，为末，炼蜜成丸，重二钱五分，遇症发引。

一瘟疫时候，发热恶寒，头疼身痛，胸腹胀满，每用一九，姜水热服表汗，忌荤腥。

一暑症肚痛，泄泻，口渴发热，小便不利，大便下血，用藿香汤温服，忌鳊鱼。

一霍乱吐泻，绞肠痧，腹疼转筋，用胡椒七粒，捣碎，绿豆四十九粒，煎汤下，忌姜汤、米汤。

一疟疾寒热往来，用白滚水汤加生姜自然汁热服，忌荤腥。

一咳嗽多痰，用百部五分，煎汤入生姜少许开服。

一红白痢疾，腹痛下坠用车前子煎汤下，忌鸡肉。

一伤食痞满，泄泻，用姜茶煎汤服。

凡感冒风寒或水土不服，山岚瘴气杂症用姜汤服。如遇途中无引，清茶滚汤亦可。惟孕妇勿服，恐伤胎气。

秘授神效 观音救苦丹 麝香一钱，朱砂二钱，硫黄三钱，各将研细末，先将硫黄化开，次入朱砂、麝香同化，倾入磁器内，候干，再研末，隔火化开候干，切作如糗如米大，贮磁瓶内，慎勿出气，珍藏听用。

神治一切风寒湿气，流注作痛手足蹇挛，小儿偏搐口眼喎斜，妇人心腹痞块攻疼，不问年深月久，将药置患处，以灯蕊点着，候至火灭，连灰罨于肉上，立见全愈。重者用药米粒大，轻者用药糗米大，只须一壮不必复炙。若患处阔大连排，数壮一气炙之，且炙时不甚疼，炙后并不溃脓，一茶之顷痼疾如失，屡试屡验真神方也。

普济药茶方 广藿香八两四钱，草果仁七两五钱，木瓜七两八钱，苏叶八两二钱，苍术七两四钱，半夏七两五钱，砂仁六两，槟榔七两八钱，苏薄荷七两八钱，木香六两六钱，枳壳七两八钱，甘草三两，上方加安化茶二十斤，共为细末，专治天行时气，伤寒伤暑等症。每服三钱，清水煎服，病轻者一服，病重者早晚各一服神效。

头痛伤风加葱白二根为引。腹中饱闷加六曲二钱。疟疾加法夏①、大川贝各一钱。受暑身热加青蒿、六一散各一

① 夏：原文作下。

钱。痢疾水泻加陈老米一钱。呕吐反胃加白蔻壳一钱。

治汤火伤方 麻油倍用，白蜡、白蜜各等分，先用麻油熬数滚，入蜡溶化熬数滚，再加入白蜜熬匀，候冷刷涂患处，即能止痛速愈，愈后并无斑点，若痛极伤重，外敷内服即可护心不致火气内攻。

治蜈蚣咬方 急取锅底煤，搽立止痛。

又方 用白鸡公倒挂，取涎，涂患处立愈。

治土虺蛇咬方 急拔去头心红发一根，用何首乌捣汁冲酒服，渣敷患处立止。

治毒蛇咬方 用烟管烧热滴油，搽之屡验。

又方 用白芷末一两，水服下立生。烂入骨者，白芷末加胆矾、麝香各少许，日日渗之即愈。

又方 用雄黄五钱，灵脂一两，共为末，每服二钱酒下，再服必效。

专治痔漏极效方兼治肠风下血等症。 用野萝卜一个（此种三月间采取，鲜者用亦佳，一名苦实。）去梗、叶，猪肉四两，不用盐，置新砂锅内煮熟下饮，如此用一个，血即消，只用二三个可全愈矣。

补 养 门

竹叶汤 治伤寒后及霍乱吐泻后虚，烦闷内热不解。

竹叶、麦冬、人参、茯苓、小麦、半夏、甘草各等分，姜三片，水煎服。

归脾汤 治思虑过度劳伤心脾，健忘怔忡。

白术二钱，茯神三钱，酸枣仁三钱，人参一钱，木香八

分，甘草一钱，当归三钱，远志一钱，龙眼肉一钱，姜三片，桂圆肉五枚，红枣二个煎服。

益寿地仙丹 补五脏，填骨髓，续绝阳，黑须发，清头面，聪目耳听。

肉苁蓉四两，甘菊花、巴戟天各三两，枸杞子二两，为末蜜丸，盐汤送下。

小草汤 治虚劳忧思过度，遗精白浊，虚烦不眠。

小草、黄芪、川归、麦冬、石斛、枣仁、人参、甘草、茯神各二钱。如夜卧不宁虚烦，加竹叶、知母、远志各一钱。

孔圣枕中汤 常服令人聪明。

龟板、龙骨、远志、菖蒲各等分为末，酒服方寸，七日三服。

三仙丹 安神定志，和血健脾。

熟地黄、天门冬、丹参各两半，茯苓、甘草各一两，远志、人参各一钱。上末炼蜜为丸，朱砂五钱为衣，每服三钱，白汤下。

状元丸 教子第一方。

菖蒲、远志各一钱，茯苓四钱，巴戟天一钱，人参一钱，地骨皮一钱，上药水煎，午时常服。

读书丸

菖蒲远志桂甘草，地骨人参巴戟天，

倍煮茯苓糊丸服，读书日记万千言。

鱼鳔种子丸 专治身体虚弱，老少酒色过度，头眩耳鸣目花，腰膝酸疼四肢无力，自汗盗汗下元虚损，梦遗精滑阳痿，或男子精寒肾虚不举，不能久坚元阳衰败，或女子血寒气旺子宫虚冷，赤白崩带经水不调，久不受孕者服之，立

效。

肥当归（酒洗晒干）、淫羊藿（去枝梗、筋刺，羊油酥油更妙）、白莲蕊（拣净、去灰土）、肉苁蓉（酒洗晒干）、川杜仲（去皮、青盐水炒断丝）、兔丝子（淘去灰土，用甜酒浸一宿，又以水煮，再合酒煮，成饼晒干）、沙苑蒺藜（碧绿、猪腰形者佳，去灰土，分四股，青盐、人乳、老酒、童便各拌二两，微炒）以上各味八两，白云苓（去皮、截切，人乳拌蒸，晒干）、甘枸杞（红色肉厚者佳，拣净、去蒂）以上各味四两，淮牛膝（肥长者佳，去藟，切片，酒洗，晒干）、破故纸（拣净，青盐水炒）以上各味六两，上白鱼鳔一斤（牡砺粉，炒成珠，磨），上肉桂二两（去粗皮切片，研末，不可见火），大附子二个（每个重一两四钱者去脐，切四块，以甘草水浸七日，每日一换至期用面半斤裹好放炭火中煨熟，切片焙干），此桂附二味，年老并虚弱者方可用。惟诸药均依泡制，共为细末，炼蜜为丸如梧子大，每早服百丸，盐开水送下，盐少许。晚服百丸，陈黄酒送下。每药一斤加蜜十二两，开水四两，如士大夫经商无子者速立效，即有子亦可服。

万金至宝卷下

各 门 补 遗

胎 前 门

坤厚资生丸 治经事不调，临期腹痛，不能受孕。

九制熟地、当归（酒蒸）各四两，白芍（酒炒）三两，川芎（酒蒸）两五，丹参（酒蒸）三两，菟蔚子（酒蒸）四两，香附（醋、酒四两，姜汁、盐水各一两炒）四两，白术（陈土炒）四两。上为末，以益母草八两，酒水各半熬膏和炼蜜为丸，每早开水下四钱，大抵月经先期而至，脉数有热，属血热，加生地、丹皮。后期而至，脉迟厥冷，属血寒，加肉桂。将行而腹痛是气滞，加乌药、木香。食少气虚，面色皤白，四肢无力，是为气血两亏，方中减附子一半，加人参、黄芪、河车、茯神、枣仁、远志之类。

怀妊十月宜服滑胎饮（二三日一服）

当归钱五，白芍（酒炒）二钱，川芎六分，白术（炒）陈皮、香附各钱五，黄芩（炒）、苏梗各五分，甘草三分，水煎服。如气虚加人参一钱，胎肥加枳壳一钱，炒。

安胎丸 治怀孕三月，恶心懒倦已退，脏燥已润，于四、五、六、七、八月，逐月服此丸，和中保胎，养血调气，健脾进食，功效无比。

生地四两（炒仁末一两，水酒煮烂、蒸），归身（酒炒、蒸）、白芍（酒炒）、于术各三两（米泔浸、切片、饭

上蒸、晒五次、土拌、炒焦），陈皮、条芩（酒炒）、川断（盐水炒）、杜仲（盐水炒断丝）、麦冬（去心）各二两，共捣晒干，磨末炼蜜为丸，每朝砂仁汤下三四钱。如脾虚多泻加山药兔丝饼各三两。如元气大虚加人参二两，如血虚加真阿胶二两。

跌扑动胎 下血不止急服参苏饮。

参苏饮 人参、蕲艾、川芎各三分，当归一钱，条芩、白术（生用）各二钱，陈皮、紫苏、生甘草各四分，阿胶一钱。有外感者加葱白，腹痛减蕲艾加砂仁四分。

小产不再坠 丝棉一两入瓷罐内封口，烧灰存性，热酒空心冲服，须于月内服完，永不再坠。

保小产秘方 头二蚕茧黄又名绊丝，不拘多少，阴阳瓦煨末，收贮，凡孕妇伤胎动气，必要小产，虽见红者亦可保定。或妇人受孕常有坠胎，服此可保足月分娩，真仙方也。每服三钱，桂圆汤送服立效，外用蛇退一条，红布缝紧腰，欲保胎者每月饮一服神验。

又煎方 熟地八钱，淮山药五钱，杜仲（盐水炒）、白芍（酒炒）、酒炙黄芪各三钱，白术（土炒）补骨脂（酒炒）川断肉各二钱，水煎服。

通津救命至灵汤 此汤治裂胎生及难产数日，血水已干，产户枯涩，命在垂危者，服之神效。

桂圆肉（去核）六两，生牛膝梢（黄酒浸，捣烂）一两，将桂圆肉煎浓，冲入牛膝酒内服之。停半日即产，亲救数人，无不奇效。

临 产 门

临产诸方

正产儿头将顺未顺，胞浆已破，下血，腰痛，腹痛，目爆花，中指中节脉跳动，是其外候，此时照六字真言曰：睡，曰忍痛，曰慢临盆最稳。

加味芎归汤（古） 治三五七日不下，垂死及交骨不开，百试百灵，万叫万应真神方也。

当归（酒洗）一两，川芎七钱，龟板（手大一块，约五六钱，醋炙，研细）女发（鸡子大一团，瓦上焙，存性），水煎，温服。

大料四物汤 治沥浆生者，先来清水数日，致胎于难产，急急用之。

归头（酒洗）二两，酒芍、川芎各一两，熟地三两，房内熬煎，使产妇口鼻达其气，以滋益之，又连服上加味芎归汤，以生下为度。

达生散（古） 临产服最效。

蜜玉竹、归头各二钱，焦术、酒芍、炙草各一钱，陈皮（去白）、大腹皮（酒洗晒干）各八分，苏叶五分，水煎服，临产时加青葱五根，或葱白七寸，或黄杨尖七枚。又，春加川芎，夏加黄芩，秋加泽泄，冬加砂仁。若系气虚倍用玉竹、焦术。气实加香附、陈皮。血虚加当归、熟地。体实倍苏叶。性急多怒加黄连、柴胡。热甚加黄芩。温痰加滑石、法夏。食积加山楂。腹痛加枳壳、木香。

脱瓜煎 无论试月正产，古有芎归汤百无一失。予立此方，治腰腹急痛不知试产试月，服之立效。

当归（酒洗）四钱、酒芍、焦术、杜仲（盐水炒）各三钱，陈皮（半留白，半去白）、黄芩（酒炒）、茯神各二钱，炙草钱半，木香三分，姜枣引。顺取急流不流二水，煎。又以羌活二两，葱白四十根，大者十根，约四两重为度，韭菜

根一两，野菱角苗一本。无则以干荷叶蒂皮代，斑竹箨二两，取急流不流二水各一斛煎药，乘热气之。夏加斑竹叶、百皮。冬加生老姜、胡椒各一两煎气。如正产，不拘一、二日不下，服之气之即下。试痛即安。如无流水，将竹一边作枳，令急流，取用。

难产催生散

用妇人旧头绳一条烧灰，加人参一两，服之，不论横生逆产即顺生矣。神效之极百发百中。

催生符



急急如律令摄

牛马二急如律令摄

催生符用黄纸朱书，从速骨开写起，至交口身根连急急等字，一直写下，次写牛马二字。写时，对日光、月光、或灯光（如白昼亦点灯光为妥）。临时写，预先写俱可。用时碗内先放金银器一小件，焚符入碗，开水兑服，吞下即产。遇难产三五日者俱效。不可经妇人手，婴儿出脱即点香灯于天地位前叩谢玉帝。

书符之人家，切不可冀酬谢。

一法，玉帝金锁四字用朱砂书黄纸上，如法，皆字字笔法不连续，以烧化绍酒冲服，即产如神。

治横倒产符 敕令天地日月星江海，顺流大德曰生。

咒曰：生生生，何事倒而横，我今施正法，勿损母命，勿损儿身，急急如天医使者律令。

此符不拘朱笔墨笔，黄纸白纸，书后诵咒一遍。其余一切并与前符同，横倒者服下即顺，令产妇口念无上至圣化生佛。

产 后 门

保生无忧散 治胞衣不下，腹中不痛，由于气虚不能送出。

当归、川芎、白芍、枳壳、木香、甘草各钱半，乳香（另研细）五分，血余（烧、存性、另研）五分，将当归、川芎等味煎，另入乳香、血余和匀服。

失笑散 治胞衣不下，腹中胀痛；及胞衣已下，腹仍胀痛。又治产后心腹绞痛欲死，或不知人事，及寻常腹内瘀血积血作痛。

五灵脂（炒）、蒲黄等分（炒），为末，每服三钱，酒

煎热服。若瘀血去多元气虚损所致，宜服四君子汤加川芎、当归、炮姜等味。

夺命散 治胞衣不下，腹中胀痛。

没药、血竭等分，研细末，才产下即用童便、陈酒各半杯煎一两，沸，调下二钱，良久再服，其恶血自下行，便不冲上，免生百病。

夺命丹 治胞衣不下，腹中胀痛及胞衣已下，腹仍胀痛。

附子（炮）五钱，丹皮、干膝（研碎，炒、令烟尽）各一两，为细末，好醋一升，大黄末一两同熬成膏，和药为丸如桐子大，温酒下五七丸，消瘀定痛如神。

产后霍乱 产后劳伤气血，脏腑虚损不能运化食物，及冷风相乘，以致阴阳升降不顺，上吐下泻，名曰霍乱。若块痛未除，宜生化六和汤，块已止，宜藿香温胃散。

生化六和汤 川芎二钱，当归四钱，黑姜、炙草、陈皮各四分，砂仁六分，茯苓一钱，姜一片，水煎。

藿香温胃散 当归、白术各二钱，姜炭、藿香、陈皮各四分，厚朴八分，人参一钱，炙草三分，姜一片，水煎。若手足冷逆加附子三分。

乳 痈 门

神效瓜蒌散 治乳痈。

瓜蒌（烂研）一个，生粉草、当归（酒洗）各五钱，乳香、没药各一钱；用酒煎服，良久再服。

简易方 治乳痈初发。

贝母为末，每服二钱，热酒下，即以二手覆按棹上，揉

捏乳通。

又方治乳痈吹乳 蒲公英一握，捣烂入酒半钟，搅酒温服，渣贴患处，甚者三五服愈。

又方治乳痈 鹿角尖，烧灰存性，研末。酒调服二钱，外用葱白捣烂和蜜温敷患处。

吹乳肿痛 桔萎一个，乳香二钱，用酒煎服。外用南星末，温汤调敷即愈。

乳痈初起 泽兰一两，青皮三钱，白芨五钱，橘叶三十片，水煎加酒半盏冲服立效，百试百验。

外敷方 乳痈初起，二三日立消，天下第一仙方。

活鲫鱼一尾，连头骨生捣极烂，香腊糟一小团，研匀敷上一日，待消小即取下，不消再贴，百试百验。

暑 热 门

吐泻霍乱四肢冷 香芋、人参、甘草、厚朴、扁豆、赤茯苓、白术各五分，半夏、木瓜各四分，砂仁三分，藿香六分，姜枣引。

伤暑霍乱吐泻 猪苓、泽泻各七分，赤茯苓、干葛各一钱，花粉二钱，香芋、黄连、甘草、白术各五分，泄极加升麻七分，黄芩、石膏各八分。热极加石膏、知母各一钱。腹痛加芍药（炒）五分，肉桂三分。寒极亦然，姜三片，煎服。

霍乱用生王瓜汁、生姜汁，调合灌下即愈。

霍乱吐泻 头眩眼晕四肢冷，急用吴茱萸、木瓜、食盐各五钱同炒，水煎，随意冷热服之。

又藿香叶、陈皮各五钱，水煎服，垂死立生。

杭州痧药方 茅苍术（米泔水浸、去皮毛、炒）四两，

雄黄四两，木瓜二两，丁香四两，麝香两二，蟾酥四两，朱砂二两，共研末，烧酒为丸，绿豆大，不可□□□①

治乌痧胀俗名钻心痧 用盐三钱，冲开水温服吐痰，倘不吐，再用白矾三钱冲服，再不吐，用川连三钱，甘草五分，煎服即愈。

时行瘟疫 其症头面肿大，咽喉不利，舌干口燥，憎寒壮热，乃时气流行。不问四时，皆可通用。

防风，荆芥，羌活，前胡，升麻，甘葛，赤芍，桔梗，川芎，白芷，牛蒡，甘草，姜，葱。水煎，热服出汗。

又大黄酒拌蒸，一两，牙皂去皮弦火煨五钱，共研末，米糊为丸如绿豆大，每服二钱，用绿豆汤晾冷送下，以被盖汗愈。

又乌梅七个，蜜七钱，水二碗煎汤服之。

又瘟疫发肿，大黑豆二合，炒热，生甘草一钱，水煎频服。

又生藕捣汁入蜜和匀服。

又炸腮，赤小豆为末，鸡蛋清调敷。

又项下热肿，五叶莓藤捣敷。

又喉下诸般肿痛，蜗牛，飞罗面，研匀敷之。

又风热腮肿，丝瓜烧存性，研末水调服。

舌 喉 门

舌长数寸 番木鳖（净毛，切片）四个，黄连四钱，水煎，将舌浸入良久自收。

小舌落下 盐橄榄，烧灰存性，研末吹之，吊扬尘灰点

① □：原文脱。

之。食盐炒热点之。凡吹点时，总宜先用筷子将大舌根压住，然后吹药方能上。

木舌（口舌俱硬） 薄荷，细茶，共煎，露一夜，青绢裹筋上蘸药，徐徐抹上愈。

重舌木舌紫舌（由心火结成） 黄连、山梔、荆芥、黄芩、连翘、木通、薄荷各一钱，牛蒡一钱，甘草五分，灯蕊，煎服。

舌肿满口 单用蒲黄末掺之愈。

舌肿寒喉 朴硝、白矾为末，搽舌立消。

小舌紫泡方 不可针刺，用蒲黄、青黛等分为末，鹅毛管吹数次自愈。

乌龙丸 治喉痹、乳蛾神效兼骨鲠喉垂危者。

乌梅肉、五倍子各等分，捣为丸弹子大，每含一丸，其痰旋裹药上，取出去痰，仍含口中即愈。

喉中忽硬一块吞吐不下 用厚朴、茯苓、紫苏、半夏各二钱，甘草五分，姜二片，煎服，或照喉闭方用针手指出血亦妙。

百灵丸 治喉中结块不通水食者。

百草霜蜜和丸，茨子大，水化一丸，灌下。甚者不过二丸。

喉烂 槐花三钱，牛膝、儿茶、黄连各一钱，为丸，绿豆大，每服三丸。夏天西瓜水服，冬天梨汁服。

耳 目 门

两耳肿痛流脓，肾经风热。 荆芥、连翘、防风、当归、川芎、白芍、柴胡、枳壳、黄芩各八分，山梔、白芷、桔梗、甘草各八分，煎服。

耳内出脓 番木鳖一个，磨水滴入耳内即愈。

胭脂、枯矾、钉锈粉，各等分为末吹之极效。

犀角磨醋，搽之。

金墨磨醋，涂之。

撑耳风 独活、藁本、芥穗、防风各钱五，薄荷、生芪、甘草节、细辛各一钱，煎服。外用靛花磨鹿角搽。重者用大黄，白芨，倍子为末，鸡蛋清调搽。

火眼洗方 川黄连（火炮）、黄柏各三分，和人乳入磁钟内饭甑内蒸一炷香时取出，洗之自退。如系风眼用童便浸桑叶一个时辰，以童便洗即愈。

拨云丹 用慈菇去皮，捣碎，沥去渣，水飞过，晒干五钱，上冰片五分，硼砂一钱，薄荷叶五分，炉甘石炭火煨，用黄连水和童便淬二三次，研细末，水飞过，晒干三钱，加麝香少许，合研，贮瓶，点之妙。

目珠至晚痛 夏枯草、香附各一两，为末，每服钱半，清茶下，五六日即愈。

眼珠痛 决明子、韭菜子各二钱，研末，姜汁调敷太阳穴，立止。

鼻血 生地、艾叶、薄荷、扁柏，等分，新鲜更佳，水煎服愈。

陈香墨，磨浓，开水调服。以冷水拍后颈窝，槐花末敷之，即止。

以温热湿纸五六层贴顶心，以熨斗徐徐熨之，真绿豆粉一两，细茶三钱，研末，冷水冲服。刮本人指甲，吹之即愈。

鼻血不时 荸荠，去皮，温茶泡热，常食自可断根。新鲜柏叶煎汤代茶频饮亦妙。倾方新罐，研碎，烧酒调敷囟

手 足 门

蛇头疔在手中指 小鳅鱼一条，捣烂敷之。又鸡蛋开孔，去青，入藤黄末三钱，调匀，将指插入即愈。又用蜈蚣一条，焙干为末，猪胆汁调涂。

腿疮久不愈 生甘草五钱，煮豆腐极老，敷疮上一时许，取去，用水龙骨（即旧船上石灰）生肌散各三钱，血馀五钱，陀僧钱五，黄蜡、白蜡四钱，共为末，麻油熬膏多敷即愈。

足患（治风气两腿作痛） 艾叶二两，葱头一把（捣烂），生姜两半（捣烂），用布共为一包，蘸极热烧酒，涂患处，痛止为度。

脚心肿痛（因久行久立所致） 蚯蚓屎，水和，敷一夕即愈。

脚气疼方 用冬瓜皮煎汤，洗之立效。

痢 疾 门

痢疾不拘男妇小兒 木香（方圆一寸一块），黄连五钱，用水半钟，煎干，去黄连，切木香，焙末，分三服，第一服陈皮汤下，第二服陈米汤下，第三服甘草汤下。有妇人久痢将危，梦大士授此方，因而得愈。

痢疾奇方初起煎剂 黄连（去芦）、黄芩、白芍、山楂各二钱，枳壳（去穰）、厚朴（去皮、姜汁炒）、槟榔、青皮（去穰）各八分，当归、地榆、甘草（炙）各五分，红花（酒炒）三分，木香二分，桃仁（去皮尖，研如粉）一钱。上各如法炮制，用水二碗，煎成一碗，空心服此方。或红或

白，里急后重，身热腹痛者俱可服。如单白去地榆、桃仁，加橘红四分，木香三分。如滞涩甚者加大黄二钱，用酒拌，炒，服一二剂仍涂之，若服过一剂，滞涩已去，不必又服二剂矣。年幼之人，大黄只用一钱，若方用之，三五日神效。旬日亦效，半月外则当加减，另详于后。

加减煎方 黄连（酒炒六分，生用四分），黄芩、白芍（各酒炒六分，生用四分），楂肉六钱，橘红、青皮、槟榔各四分，甘草（炙三分，生二分），当归五分，地榆四分，桃仁粉六分，红花三分，木香二分，上如制法，水二碗，煎一碗，空心服，延至月余，觉脾胃弱而虚滑者，法当补理，具方如下。

补理煎方 黄连（酒炒）五分，黄芩（酒炒）六分，白芍（酒炒）四分，橘红六分，当归、人参、白术（盐炒）、炙甘草各五分，上如法制，水煎，空心服。以上三方，妇人有胎，去桃仁、红花、榔。

赤白痢疾兼疟疾方 陈细茶、生姜各四钱，用滚水浓煎服。立愈。

吐 泻 门

转筋霍乱 木瓜、黑糖各三钱，水煎数滚，凉服即愈。

呕吐 生姜打碎一两，半夏五钱，橘皮三钱，水煎服。

干霍乱 吐泻不止，转筋入腹，汗出气冷欲绝者是。炒盐一两，牙皂一钱，水煎服，取吐胃气，一回即愈。

又砂仁一两，捣萝卜子，沥汁，浸一夜，炒干，浸晒七次，为末，每服一钱，米饮下，立效。又皮硝、黑糖各四两，入碗内，水炖数滚，沉清去渣，滚黄酒冲服，尽量为度。又吴萸、木瓜食盐各五钱，同炒焦，水煎服。又锅底煤

五分，炷额煤一钱，滚水搅下服。又藿香、陈皮各五钱，水煎服，垂死立生。

暴泻 车前子（炒研）二钱，米汤调服，即取根捣汁亦可。

泄泻口渴 山楂、麦芽、神曲各一钱，水煎服愈。

伤食泄泻 神曲、苍术，等分为末。酒糊丸，米饮下。

暑热暴泻 白术（土炒）、车前、等分研末，每服三钱，米饮下。小儿减半。

疝 气 门

闭便垂危 桃枝、柳枝、木通、川椒、枯矾各一两，葱白七个，灯蕊一把，水三十碗煎半，用磁罐热甚，一半熏外肾周围，以被围绕不令外风得入，冷即易之，其效大奇。

老年小便闭塞 上桂五钱，为末，纳入脐中即下。

溺血 旱莲草，车前草，捣汁，空心温服。又炒荆芥。炒砂仁等分为末，每服三钱，糯米饮下。又白芷、当归各五钱，为末，每服二钱，米饮下。

血淋 核桃一个，芝麻一把，共捣如泥，滚酒冲服。又苧麻根煎汤频服。又地骨皮，新鲜者更妙，酒煎，空心温服。

小肠疝气 荔枝核（炒黄色）一两，小茴香（炒）五钱，共为末，用黄酒调三钱，空心服。又槐子一钱，炒黑，为末，入盐三分，空心黄酒调服。又荔枝核（研碎）二个，防风、荆朴、青皮、葫芦芭、益智仁、小茴香各一钱，山梔、川楝子各二钱，丁香、川椒各五分，生姜三片，水煎温服。又葫芦芭七钱，小茴香三钱，共为末，每服三钱，滚汤下。又杏仁（去皮尖）、茴香各一两，葱白五钱，共为末，每服

五钱。黄酒调服，嚼核桃肉咽下。又荔枝核七个，炒梔子钱二，山楂、枳壳各钱六，茱萸钱二，牛膝、木通各一钱，长流水煎服。

二层茴香丸 治一切疝，如仙麝疝尤为要药（第一料）

大茴香（拌盐五钱炒和盐秤）、沙参、川楝子（去核炒）、木香各一两。上为末，水煮，米糊为丸梧子大，每服二钱，空心盐汤下，日三服。才完便接第二料，照前方加草拨一两，槟榔五钱，为丸服。若未愈，服第三料，照前二方加白茯苓四两，附子（制）一两，和丸服。但每服三钱，虽年久大如栲栳者，皆可除根。

手拈散 治心胃疼，药下即愈，如手拈去故名。

元胡索（醋浸炒）、五灵脂（炒）、草果、乳香（炙去油），等分为末，酒送下三钱。猪牙皂角，用灰火煨半焦，研细，箩筛筛过，每用二厘，火酒下。

小 儿 门

脐不干 或用枯矾五钱，龙骨、黄丹各一钱，麝香少许，为末，敷之。乱发烧灰敷之亦可，或黄柏末敷妙。

大小便不通 以木通，茄蒂，煎浓汤，徐灌，少许立通。

脐气时啼 乌药、小茴（俱盐水炒）、陈皮、甘草、生白芍、勾藤各等分，加青皮少许，酒炒，水煎服，又鸡肫内皮，去净尿，勿沾水，纳薄姜片于内煨干，研末，灯蕊汤下。

小儿男妇口内生疮方（两腮青肿名曰牙疳） 用松柏枝叶，煎浓汁服，亦不时将汁含漱，并服白马乳即效。

口舌生疮 桑白中汁，抹之立愈。又生黄柏末涂之亦效。

小儿走马牙有寒热二症 热者面赤唇焦，鼻孔黑，口热，啼时腰微向后反是也。急刺破，必有紫血，既无血其色必紫。用黄芩、薄荷、银花、甘草等分，研细，取芭蕉心内水和之，棉花涂擦其处后，不再生。又以药少许服之，勿用蕉水。寒者目皮下青，唇白，有寒涎流出，啼时腰曲向内，吐乳。刺破色白无血是也。用胡椒一粒，制附子二分，羌活三分，麻黄一寸，共研细，照上法擦亦服之。

又方 刺破，以好墨，醋磨，和白沙糖点。又方 刺破，以糖鸡粪点，但此二方不能断根。

走马牙疳初起者 儿茶一两，黄柏、薄荷、青黛各末六钱，人中白（溺壶内者佳，煅红二两），冰片五分，研极细，先用温汤漱净，吹药疳上，日用六七次，吹药后涎从外流为吉，涎毒内收为凶。

内服：芦荟、银柴胡、胡黄连、川连、牛蒡、元参、桔梗、山梔、石膏、薄荷、甘草、升麻、羚羊角各五分，淡竹叶十片。煎六分，食后服此方，虽穿腮破唇并至神效。

小儿胎疮 用麻油三两 鲜槐枝熬，砧①去渣，入铅②粉一两，轻粉五钱，石膏三钱，研匀调搽。

诸热胎热 甘草、黑豆各三钱，竹叶、灯芯各七茎，水煎服。

蜘蛛疮 浑身起罗网，燥痒难忍。

豆腐皮烧灰，存性，为末，香油调搽愈。灶心土为末，鸡蛋清调搽。

皮肤如蛇皮鳞甲之状 白僵蚕，蛇蜕，为末，煎汤洗

①砧：原文作枯，依文意改。

②铅：原文作致，依文意改。

之即愈。

小儿呕吐泄泻 车前子一钱，肉豆蔻三分，砂仁五分，广皮、干葛各一钱，子丁香三分，生甘草五分，酒芍八分，麦芽、山药各一钱。共为末，每服五分，姜汤送下。

又方 糯米粉三钱，用鸡蛋清调摊纸上，贴囟门，泻止，去药。如呕吐不止，亦用此药贴脚心，其吐即止。

霍乱吐泻不止 用高粱粟^①壳，炒焦煎汤，取灶内年久灶心土为细末，重箩筛过，每服二钱，用高粱汤调服，立效。

小儿泄泻不止 山药，半生半炒，为末，每服二钱，沙糖滚水调服或入粥同食尤妙。

小儿疳疮 小儿头面及耳边生疮，脓水浸注极痒，久不愈者。

蛇床子（炒）一两，轻粉三钱，大红枣（去核）一两，入绿矾五钱，烧烟尽研末，共为细末，真桐油搽甚效。

肥儿丸 治疳症，黄瘦，补脾消积。

黄连（姜汁炒）、神曲、麦芽（俱炒）、胡黄连各五钱，使君子四钱，白术、茯苓、甘草（炙）各三钱，山楂肉、人参各二钱五，芦荟（碗盛泥封固，置坑中，四面煨糠火煨透）二钱五，黄米饭和丸如米大，每二三十丸米汤下，看儿大小加减。

二味拔毒散 治风湿诸疮红肿痛痒，疥痒等疾甚效。明雄黄、白矾各等分，上为末，用茶清调化，鹅翎蘸扫患处，痒痛自止，红肿即消。

立时拔疔方 蓖麻子一粒，去油，滴乳香一分，去油，共研，或软饭或枣肉为小饼，放疔上，外将膏药贴之，一二

① 粟：原文作速，依文意改。

时即拔其根，妙甚。试疗以生豆令患者口嚼，无豆味者是。

疗疮 凡手心口背及面上有疮，起疱发痒或寒热或麻木不痛，此极乃之疮急，用巴豆一粒，米饭一粒，粘贴疮上，立时拔疗神效。菊花叶捣汁，服一碗，死可回生。

治疗毒神效 葱头四枝和白蜜调敷即愈。

治疗疮妙方 用耳垢，不拘多少，先苏青布盖于疮上，再于患处顶上加耳垢，用艾火坐耳垢，烧患处一二，将烧得至痛时取之即愈。

又一方 用蜘蛛一个，以大者为佳，安置疮顶上咬嚼自落即愈，其蜘蛛速放水中救活。

又一方 母丁香三个半，斑蝥七个，去翼足，大蒜一块，银朱一分，共为细末，贴在患处即愈。

又方 癞蛤蟆一个，如无，以青蛤蟆代之，烧灰存性，葱白、菊花根捣汁，热苦酒同冲服，极危者亦可效，菊花以白为妙。轻者用煤炭研末，调敷亦愈。

痔疮便方 用槐角一两，炒干，为末，每服二钱，酒调服。

又方 用猪大肠尾装槐花一二两，两头系紧，煮烂食之。

治内外痔 五月五日午时，取夏枯草煎汤，洗之效。

治痔 生粉、甘草十二两（晒干，磨粉八分）活脚鱼一个（准重八两），将脚鱼用冷水砂锅盛上，益石压住，用火炖烂，扣水平为止，放石臼中杵烂，将甘草末和丸，恐其不粘加炼蜜少许。

黄水疮 取雄猪胆一个，黄柏一两，浸，焙干，为末，敷之。

黄水流脓疮 海螵蛸五钱，五倍子（炒焦）、枯矾、儿茶、黄丹、赤石脂、蜜佗僧、铅粉各二钱，为末，和匀，湿

者掺之，燥者柏油调搽。

头面肥疮 轻粉、飞丹、雄黄、白矾等分，研末，入葱管内，两头扎，煨过，加龟板灰少许，研菜油调敷，效。

面上疮 鹿角烧灰，调香油抹，立效。

一切无名肿毒神验 如患在上身者，饱服，患在下身者空心服。

全当归(一枝，要一两重者)，金银花二两，木通五钱，甘草节二钱，广胶一两，以上用无灰酒锅内煮，其酒不拘多少，服药后尽量饮醉，即暖盖出汗，其毒即消散而愈神效无比。

集瘰癧诸方 有外受风邪，内停痰湿，搏于经络，其患身体，先寒后热，疮势喧肿微热，皮色如常，易消易溃易敛，此为风毒也。如防风羌活汤、海藻丸拣择用之。

防风羌活汤治风毒瘰癧初发寒热者 防风、羌活各一钱，连翘二钱(去心)，升麻七分，夏枯草二钱，牛蒡子(炒、研)、川芎、黄芩(酒浸)各一钱，甘草五分，昆布(酒洗)、海藻(酒浸)各一钱，姜蚕(酒炒)二钱，薄荷一钱，水煎服。

海藻丸治风痰瘰癧绕顶而生无寒热者 海藻菜(荞麦同炒，过去麦不用)，白姜蚕(微炒去丝)，等分，为末，用白梅肉泡汤为丸如梧子大，每服六七十丸，米汤下。

脐肿出汗 枯矾，龙骨，共研末敷之。或枯矾末即黄柏末皆可。

又脐内溃烂，以赤石脂末，敷上立愈。

蝉退散 阴囊忽肿，或坐地多时感受风湿或为虫蟻所吹。

用蝉退五钱，水一碗煎汤薰洗肿处，肿消痛止，须洗二三次后，服五苓散，以灯芯汤调服。

又方 葱地上蚯蚓粪为末，煎甘汁调敷肿上，或薄荷汁调亦妙。

又方 治小儿肾子肿。

桃仁研如泥，津唾调敷。

又方 治外肾肿大，茎物光明。

用牡蛎煨为细末，津唾调敷。

治小儿五疳潮热 面黄肌瘦，烦渴肚大青筋，手足如柴，精神困倦。历试有效，无疾预服此药则诸疾不生，元气虚弱者服半月身体健壮。

保婴五疳膏 青皮麸（炒）二钱，橘红五钱，白术（去芦，蜜水炒）一两半，白茯苓七钱半，麦门冬去（心）一两，使君子肉（锉炒）七钱半，白楂肉、麦芽（炒）五钱，金樱子肉各炒五钱，芡实仁钱半，莲肉心（隔纸炒）五钱，甘草一钱半。

论消宿化积，磨瘕清热，伐肝补脾进食杀虫，润肌肤，养元气，真王道也。

肥儿丸 人参三钱半，白术（去芦）白茯苓（去皮）各三钱，黄连（姜炒）三钱半，胡黄连五钱，使君子（去壳）四钱，神曲（炒）、麦芽（炒）、山楂肉各三钱半，甘草（炙）三钱，芦荟二钱半（碗盛，泥封固置坑中，四面谷糠火煨透用）上为末，黄米糊为饼，白汤化下。或作丸黍米大，每服二三十丸，看儿大小，米汤下。

一论小儿感风或胃寒用老葱三四根，舂极烂。以手抹来，相搽满掌，烘温暖，向病者遍身擦之。通气处再遍擦几遍，暖处出汗立愈，又不相妨。

一治小儿面青身冷、默然不语，用灯火遍身手足，按穴熨之立醒。

一论小儿伤寒头痛、壮热恶寒咳嗽、鼻塞声重、痘疹欲出、发搐惊风，喘嗽手足搐搦等症宜服。

人参败毒散 羌活，独活，柴胡，前胡，枳壳，桔梗，白茯苓，川芎，薄荷叶，人参，甘草上锉，姜葱煎服。

一论小儿脾胃虚弱，或因克伐之过，致饮食少思，或食而难化，或欲作呕，或大便不实，脾胃虚损，吐泻少食宜用。

四君子汤 人参、白术（去芦、炒）、白茯苓（去皮）甘草（炙）各等分，上锉姜枣煎服。

六君子汤 治脾胃虚弱、饮食少思，或大便不调、肢体消瘦、面色萎黄，即四君子汤加陈皮半夏。

一论内伤乳食吐，腹胀痛，外感风寒，火疹发热宜服。

太和丸、紫苏，陈皮，香附，羌活，苍术，川芎，枳壳，山楂，神曲（炒），麦芽（炒），甘草，生姜三片，水煎温服。

一论小儿时常伤食、皮黄肌瘦、肚大腹胀、用此焦饼，令常食之。

消食饼 莲肉（去皮），山药，白茯苓（去皮），芡实（去壳炒），神曲（炒），麦芽（炒），扁豆（炒），山楂（去子），上各等分，为末。每四两入白面一斤，水同和，烙焦饼用。

一论小儿夏秋之月，霍乱吐泻、身热口渴。

加减藿香汤 猪苓、泽泻七分，白术（去芦）五分，赤茯苓（去皮）一钱，黄连五分，香薷、干葛七分，天花粉二钱，甘草五分，上锉生姜煎服。如热极加石膏知母。泻极加升麻。腹痛加炒白芍一钱，桂①三分，寒痛亦加。

①桂：原文仅桂字，疑脱字。

一治红痢及噤口。用田螺捣烂，合脐中，顷刻效。

一治痢不拘赤白。白萝卜汁、蜜，各等分，搅匀服三四匙效。

一治小儿噤口痢。用甜梨一个，空空入蜜，填满，纸包火煨，熟吃立止。

一治噤口痢，汤饮米谷不下者，上莲子去壳并内红皮及及心，为细末。每服量儿大小，或五分或一钱，三二钱。用陈仓米汤调下，如呕加生姜汁一二匙。

一治血痢。用苦参，炒为末。每服三分或五分，米汤调下。

一治白痢。用肉豆蔻（面包煨）乳香一粒，共为末。每服二三服，米汤调服。

一治久痢不止。用陈萝卜煎汤，一服立止。一方用茺萍煎汤服效。

一治泻痢久不止，不肯服药。用肉豆蔻（煨去油）为末，三钱，麦面四两，同和切面，入葱盐煮，如常食。

一论小儿脾胃虚寒，久嗽不已，咽膈满闷，咳嗽痰涎，呕逆恶心，肚腹膨胀、腰背倦症、虚劳冷嗽，诸药无效者服。

人参款花膏 人参八钱，紫苑六钱，款冬花（去梗）八钱，桑白皮（炒）一两，贝母一钱半，桔梗（炒）二钱半，紫苏五钱，槟榔五钱，木香五钱，杏仁（去皮炒）八钱，五味子八钱，马兜铃二钱半，上为末，炼蜜为丸如龙眼大。每一丸姜汤化服。

一治口疮

泻心汤 用川黄连，净为细末，每服一字蜜水调下。

一论小儿口舌生疮，乃心脾受热。口疮赤，心脏热，口

疮白，脾脏冷；口疮黄，脾脏热宜用：

吴茱萸末，醋调，敷脚心，移夜即愈。药性虽热，能引热下行，其功至良。

一论小儿白口，白烂生疮，口糜。白术、猪苓、泽泻、木通、生地、赤苓、肉桂、甘草各等分，水煎服。

一论小儿白口疮。黄丹、巴豆仁同炒焦，去豆用丹，掺疮上立已。

咽喉并口疮，我也有妙方。白矾二钱许，硼砂一钱强。咽痛用吹入，口疮蜜调当。一次若不愈，再用保安康。

一论牙疳者，阳明之热也。小儿齿肿，流涎腮肿，走马牙疳等症。

清胃升麻汤 升麻、川芎、白芍、半夏（汤庖）各七分，干葛、防风（去芦）、黄连（酒炒）、生甘草各五分，软石膏（煨）一钱，白术七分，白芷三分，上锉，水煎，热服。能漱即含漱而吐之。漱药不用白术、半夏。

一治小儿走马牙疳，一时腐烂即死。用妇人溺桶白垢，火煨，一钱许，入铜绿三分麝香一分半，敷之立效。

立效散 治走马牙疳。青黛、黄柏、枯矾、五倍子各一钱，上为细末。用米泔水先漱口内，掺入患处。

一论小儿头生肥疮，或多生痞子，搔痒成疮，脓水出不止。

一扫光 细茶（口嚼烂）一钱，水银（入茶内研）一钱，牙皂、花椒各二钱，为末香油调搽。

一论小儿疮痛，经年不瘳者。白矾五钱，胡粉一两，水银一两，黄连一两半，黄芩一两，大黄一两半，苦参一两半，松脂一两半，蛇床子八两，上为细末，以腊月猪脂和研，水银不时敷之。

痘后余毒 小儿痘疹余毒，轻则肌表津淫瘙痒，重则肢节壅肿作痛。若发热而大便闭结者，消毒饮。发热而大便调和者，清热消毒散。大便调和而渴者，麦门冬饮。肿痛发热而渴者，仙方活命饮。大凡根赤而作痒者，血虚也，四物汤加牡丹皮。色白而作痒者，气虚也，四君加当归，芍药。色赤而作痛者，血热也，四物汤加连翘、金银花。色白而不斂痛者，血气虚也，托里散。不成脓，或不腐，血气俱虚也，八珍汤。脓既溃而不斂，脾气虚也，六君子汤。按之随指复起者，内有脓也，即刺之，勿使内攻，脓出儿安，不必服药。如脓稀清反作痛，或倦怠热渴或作痛等症，皆属气血虚者，急以参芪犀木之类补之。若中见恶症者，不可救。实中无恶症者，多自愈。

活命饮、托里散，方见痛疽。

一论痘后余毒，或先服附子、热毒失解。聚而不散，以至头顶、胸背、手足、腹节赤肿成痈者，宜消毒饮或五福化毒丹。

消毒饮 鼠粘子（炒）、荆芥穗、甘草、防风各五分，犀角（镑末）二分，金银花三分，上锉水煎服。

一论痘后余毒未解，头面身体，多生疮疖，上焦热壅，唇口肿破生疮，牙龈出血、口臭、咽喉肿痛，口渴等症。

五福化毒散 犀角镑三钱，桔梗一两，生地黄、赤茯苓牛蒡子各五钱，连翘六钱，玄参三钱，青黛二钱，朴硝、粉草各三钱，上为细末，炼蜜为丸，如龙眼大。每服一丸，薄荷汤化下。兼有惊，朱砂为衣。

一论痘后不问①痘毒发于何经。初起红毒时，却用黑绿

①问：原文作同，依文意改。

赤三豆，以酸醋浸研浆，时时以鸡翎刷之，随手退去，其效如神。

一论一切痈疽阳症肿痛发热作渴

清热消毒散 连翘、山梔、黄连、当归各五分，川芎、芍药（炒）、生地黄各六分，金银花二钱，甘草一分。

上锉，一剂，水煎服，其效如神。

清上散 治胎热眼睛肿赤，粪色稠黄，肚热啼哭及身上红肿；或头顶疮疖，耳出脓汁，皆胎毒也，此方神验。

川郁金、甘草、北桔梗、天花粉、干葛、薄荷叶各等分，为末，入蜜拌匀，白汤下。仍用艾叶煎汤浸足，引热下行。

一小儿胎毒 生甘草不拘多少，煎浓汁，以绵缠大人手指，蘸水放入小儿口中，随多少吃之，诸毒俱解。

一小儿疮毒 凡初生小儿，剃头后即用杏仁三个、薄荷叶三条共研细末，以麻油调搽头上，既避风邪，永无疮毒。

一小儿初生，落地不啼。用五爪葱三根，向儿脊上连敲之自啼。

一小儿初生，面赤眼闭，啼声如鸦，或舌上聚肉如粟米状，白沫不吐，大小便通，名曰口噤，又名噤风。方用牛口藿草绞汁灌之。或用鸡屎白，如枣大，绵裹煎水灌之。或用雀屎涂口中。或用天南星（去皮）研为细末，龙脑少许，合和，用指蘸生姜汁同药末擦大牙根上能开。或用父母指甲炙灰，以乳调灌。或用烧酒对脐吮之亦妙。

一小儿猝惊啼哭，似有痛处者。用雄鸡冠刺血少许，滴入口中。或用蒸窝中粪，不拘多少，煎汤浴之，

一小儿肠内虫疼。用乌梅一个，老姜三片，樨子十枚，花椒十四粒，黑糖少许，煎服，虫尽出矣。

一小儿口下生疮一撮如羊须者。用红枣七个，烧灰存性，清油调敷。

一小儿初生小便不通。用陈艾揉熟、作七圆，如绿豆大，于小儿脐下一指半，以生姜一片，对准脐口，用艾燃灸白通。不可起泡。

一小儿腹胀。用韭菜根捣汁，和猪脂煎服。

一小儿失音不语。用蛤蟆胆取汁，点在舌尖上，少顷即语。

一小儿天吊头目仰视。用蝉蜕（米浆水煮），焙干研末，冷水调用。

一小儿热疳，粪如米泔，大便不调者。用粪蛆，洗尽、晒干，研碎入食物内食之。

一小儿浮肿、沉重，以致气喘不眠者。用黄皮柑子一斤，酒酿二斤，煎至将干，去柑肉核，取柑连酒酿食，数次自愈。或丝瓜、灯草、葱白煎汁。浴之亦妙。

一统治小儿五疳简便方 用羊肝（一具，竹刀切片，瓦上焙干），海螵蛸（二两，醋浸，炒黄），老粳米五钱炒，共研细末，捣丸如黍粒大，日服二三钱，米汤下。

一治小儿腹大肌瘦、面黄痞块等症。用白芙蓉花，阴干研末，入鸡肝内，扎合饭上蒸熟食之，数次即愈。

一小儿中暑，吐泻昏倒。急取侧柏叶（背阴者），捣汁三匙，生蜜井水调灌即愈。

一小儿痢疾。香菌五钱，红白糖各二钱，煎汤服立愈。

一男女童癆虫积。取野茄梗内虫（色绿黑嘴）数十条，和入食物内，勿使病者知，而食之数次即愈。

一小儿痘入眼。取黑狗耳上血，刺一滴，点眼内，其痘即去。

一小儿红白痢。川椒（一岁一粒，研碎），再用活鲫鱼（一个，约二三两）去头尾，连骨，肠入椒末，捣烂，罨肚脐上立效。

一月内惊风欲死。用朱砂磨新汲水，涂心口及手脚心。或用金银花煎水调服朱砂二三分，立愈。

一治五疳脾胃不和腹痛。君子肉两，厚朴、白芍、川芎、甘草各二钱，共为末，蜜丸如豌豆大，每服一丸，水饮送下。

一小儿诸热惊病。用大蜂窠煎水浴之。如嚼舌昏，仰目惊搐，用牛黄一豆许，研和蜜水灌之。

一小儿寒热惊病。用荆芥、柴胡烧沥一钟，入姜汁二匙灌服。

一小儿惊痛音哑。天南星四五分，煨研，用雄猪胆汁调服。

一小儿惊痛肠大便青。柏子仁研末，绍酒调服约一钱，或开水亦可。

一小儿冷疳肠大吐食，面黄腿缩。用母丁香七枚，为末，乳汁和蒸三次，姜汤服。

一小儿疳腮。用赤靛花涂，或赤小豆四十九粒，研末，醋和搽。

一小儿锁喉。用芙蓉叶，捣汁煎服鸡蛋，贴囟门及肚脐，立愈。

一洗儿方法 凡遇小儿出生下地，用猪胆汁入汤浴之，不生疮疥，后以益母草煎水浴之无病。又将产之候，预备黑鱼一大尾，破开水洗，俟儿下地，即将洗鱼血水炖热浴儿，出痘稀少，并可免油风惊风等症。

一小儿四五岁只会叫人，不能语言者。以赤小豆研末，酒调涂于舌下即能说话。

一小儿胸腹忽于水晶色，脏腹俱见，名蛤蟆瘟。方用大蛤蟆六只，将四足扎起，以肚在水晶色处抚摩几次，再换亦如前法行之，其病自痊。但蛤蟆眼内有蟾酥，须防其迸出射人。用毕将蛤蟆放旷野池塘。

一小儿夜啼不安，有寒、热、惊、滞四因。凡属寒啼者，脾气寒冷，阴盛于夜，腹中作痛，面青手冷，腰曲而啼。宜用黄芪、当归、甘草、赤芍各一钱，木香五分，研极细末，涂乳上，令儿吮之。

凡属热啼者，面赤唇红，手足俱暖，身口皆热，仰身而啼，见灯火则更啼哭不止。方用勾藤、茯神、甘草、灯草、辰砂、木通各一钱，淡竹叶七瓣，煎汤灌服。

凡属滞啼者，乳食停滞作痛，啼而不哭，连声无泪。方用麦芽一钱，山楂一钱炒，煎汤灌服。

凡属惊啼者，心气不足，神情恍惚，睡不安神，哭而不啼，连声多泪。方用勾藤二钱，煎汤调灌，外治以伏龙肝、蚯蚓泥各一两，水调涂儿头顶及五心上最良。服药宜将惊治，服天王补心汤。

一小儿初生，俱是红肉无皮，因母受胎后，久处高楼，未沾地气故也。方用纯黄土，或白粳米，不拘多少，研末，盛软绢袋内，在儿周身轻轻扑之，数日皮自生。

一治小儿虚骨泻痢。

厚朴散 厚朴、诃子、丁香、茯苓、白术、青皮、使君子、甘草，共为末，每服一钱。

一治小儿虚热烦渴泻痢。

人参散 人参、茯苓、犀角、葛根、甘草、桔梗，共为末，每服一钱。量年纪大小加減，用灯芯二十茎煎汤下。

一治小儿噤口痢、酿乳法。 厚朴、枳壳、白术、白芍

各五钱，木通、陈皮、甘草各五分，分作四服，水煎，乳母服之。

一小儿吮乳过饱、腹胀不乳者。不必他药，只用大麦芽炒，煎汤服之。如恶吐，加陈皮。发热，加枳实。如大便不通，加槟榔。盖气下则乳自消，不必用大黄、巴豆霜之类。

一稀痘方 金银花连叶二三钱，挑选干净，水煎常服，可以稀痘，易养成人，屡试屡验，其效如神。

万金至宝全卷

.

.

.

《珍本医籍丛刊》已出版书目

- | | |
|------------|----------|
| 医验大成 | 明·秦昌遇撰 |
| 兰室秘藏 | 金·李杲撰 |
| 寿世传真 | 清·徐文弼编 |
| 妙一斋医学正印种子编 | 清·岳甫嘉撰 |
| 医门棒喝 | 清·章楠撰 |
| 诚书 | 清·谈金章撰 |
| 菡竹堂集验方 | 明·罗浮山人集 |
| 奇方类编 | 清·吴世昌等辑 |
| 灵验良方汇编 | 清·田间来是庵辑 |
| 动功按摩秘诀 | 清·汪启贤等辑 |
| 类修要诀 | 明·故文焕编 |
| 调疾饮食辩 | 清·章穆纂 |
| 目经大成 | 清·黄庭镜撰 |
| 寿世编 | 清·青浦诸君子编 |
| 医理 | 清·徐国佩撰 |
| 医方论 | 清·费旧雄撰 |
| 针灸神方（琼瑶神书） | 宋·琼瑶真人撰 |
| 医学发明·活法机要 | 金·李杲撰 |
| 急救良方 | 明·张时彻辑 |
| 卫生真诀 | 明·罗洪先录 |
| 陆地仙经 | 清·马齐著 |
| 心医集 | 清·祝登元著 |
| 修昆仑证验 | 清·天休子著 |

- | | |
|------------|---------|
| 养生秘旨 | 清·不著撰人 |
| 保幼新编 | 明·无忌先生撰 |
| 百试百验神效奇方 | 清·不著撰人 |
| 神仙济世良方 | 清·柏鹤亭等集 |
| 妇科秘书八种 | |
| 妇科秘方 | 清·陈佳园编著 |
| 妇科问答 | 清·不著撰人 |
| 张氏妇科 | 清·不著撰人 |
| 妇科秘书 | 清·不著撰人 |
| 钱氏秘传产科方试禁录 | 清·钱少楠编 |
| 产后十八论 | 清·不著撰人 |
| 家传女科经验摘奇 | 清·不著撰人 |
| 毓麟验方 | 清·不著撰人 |
| 仙传外科秘方 | 元·杨清叟等撰 |
| 经验丹方汇编 | 清·钱峻辑 |
| 家用良方 | 清·龚自璋辑 |
| 增广和剂局方药性总论 | 元·不著撰人 |
| 三补简便验方 | 明·王象晋撰 |
| 幼科折衷 | 明·秦昌遇辑著 |
| 秘方集验 | 清·王梦兰撰 |
| 神应经 | 明·陈会撰 |
| 扁鹊神应针灸玉龙经 | 元·王国瑞撰 |
| 女科仙方 | 清·傅山撰 |
| 万氏济世良方 | 明·万表集 |
| 四科简效方 | 清·王孟英撰 |
| 跌打损伤回生集 | 清·胡青昆辑 |
| 全体伤科 | 清·王焕旗辑 |

集驗良方	清·年希堯撰
種杏仙方·魯府論方	明·龔廷賢撰
濟世神驗良方	清·佚名
奇症匯	清·沈源撰
萬病驗方	明·胡正心 胡正言編
外科証治秘要	清·王旭高編
古單方	明·王鑒輯
鷓鴣心書	宋·龔材輯
經絡全書	明·徐師曾等撰
奇效簡便良方	清·丁堯臣輯